

十七史詳節



東萊先生北史詳節卷之七

周列傳

卷七

慕容子承先其先陳留人也周文在涼州召為帳下親信及遷夏州以祐為都督侯莫陳悅害拔岳諸將迎周文周文將赴之夏州首望彌祖元進等陰有異計周文知之召元進等入計事既而日祐祐即出外夜甲持刀直入叱元進而斬之并其黨伏誅一坐皆戰慄於是與諸將盟同心誅悅周文以此重之謂祐曰吾今以爾為子爾其數事我○從戰河橋祐下馬步關左右勸乘馬以備急卒祐恚之曰丞相養我如子今日豈以性命為念遂率左右十餘人齊聲大呼殺傷甚多敵以其無繼圍之十餘重祐乃彎弓持滿四面拒之史魏人乃卷厚甲長刀者直進取祐去祐可三十步左右勸射之祐曰吾曹性命在此一矢耳豈虛發哉敵人可十步祐乃射之中其面應挫而倒使以箭刺殺之敵乃稍却祐乃徐引退是戰也西軍不利周文已遷祐至弘農夜限周文會周文曰承先爾來吾無憂矣以功進爵為公授京兆尹守萬仲塞舉北陳來附周文率軍援之與齊神武遇於芒山祐時著光明鈇鎧所向無敵齊人咸曰此是鈇猛獸也皆避之應青原二州刺史尋降大都督○祐少與鄉人李穆布衣齊名常相謂曰大丈夫當建功立名以取富貴安能久處貧賤言訖各大哭後皆如言及從征伐為士卒先軍還諸將爭功祐終無所競周文每歎之曰承先口不言勳孤當代其論叙

耿豪

耿豪鉅鹿人也本名令貴其先家於武川豪少能騎射有武藝好以氣陵人故周文以武勇見知豪亦自謂所事將主沙苑之戰豪殺傷甚多血染甲裳盡赤周文歎曰令貴武猛所向無前觀其甲裳足以為驗不

須臾論頌數也追爵為公從周文戰芒山蒙謂所部曰大丈夫除賊須右手拔刀左手把頭直斬直刺
莫死遂大呼獨入敵人鋒刃亂下當時咸謂蒙及俄及奮刀而還戰數合當蒙前者死傷相繼又謂左
右曰吾豈樂殺人但壯士除賊不得不爾若不能殺賊又不為人所傷何異逸坐人也周文嘉之拜雍州
刺史是位侍中驃騎大將軍○蒙性寬厚言多不避周文惜其驍勇每優容之蒙亦自謂意氣冠群終無
所屈李穆慕祐初與蒙同時開府後並居蒙之右蒙不能平謂周文曰人言李穆慕祐是丞相勝於蒙
王勇丞相咽項以在上故為勝也蒙猛皆此類卒

高琳

高琳字季珉其先高麗人也琳母嘗被桀泗濱遇見一石光彩明潤遂持以歸是夜夢人衣冠有若仙者
謂曰夫人向所待來石是房馨之精若能寶持必生今子母驚寤果身流汗俄而有娠及生因名琳字季
珉從季武而遠封鉅野縣子河橋之役琳勇冠諸軍周文謂高公即我之鯨白也復從戰芒山除正平郡
守齊將東方老來寇琳擊之老中殺劍乃退謂其左右曰吾雖陳多矣未見如此健兒周孝閔帝踐祚逸
奔魏為郟公武成二年討平文州氏師還帝宴羣公楊士仍賦詩言志琳詩末章云寄言實車騎為謝霍
將軍何以報天子少漢靖秋氛帝大悅曰獲險陸果未時款塞卿言有驗國之福也天和三年為江陵副
總管時陳將吳明徹來寇總管田弘與梁主蕭岷出保紀南城唯琳與梁僕射王操圍中江陵三城以抗
之重夜拒戰凡數十旬明徹退走歸臺言其狀帝仍優詔追琳入朝親加勞問六年進位柱國竟

李遠

李遠字季序東萊人也世為山南豪族任於江左遠哲少倚立有識度懷慨善謀畫起家文德主師其
父為衡州留遠哲本鄉監統部曲事時年二十撫馭群下甚得其情大統十七年周文遣遠慕武王雄等

峽地山南邊哲軍敗遂降於武烈猶意氣自若武乃執送京師周文策嘉之恭帝初直州人梁徽洋州人黃國等連結為亂周文以邊哲信著山南乃令與開府賀若敦同經畧熾等恭平蕩仍與敦南出徇地邊哲先至巴州入其封郭梁巴州刺史年安人開門請降安人于宗微等猶據巴城不下邊哲攻之軍次鹿城城主遣使請降邊哲謂其原曰納降如受敵吾觀其使瞻視猶高得無詐也遂不許之安人果於道左設伏以邊哲邊哲進擊破之遂屠其城自此巴州之人降數相繼軍遂周文賜以所服紫袍玉帶及所乘馬加授侍中驃騎大將軍開府儀同三司除直州刺史即本州也仍給軍餼鼓即令與田弘同討信州時信州為蠻酋所圍弘遣繼遠赴援比至信州已隔聞邊哲至狼狽遁走邊哲八據白帝賀若敦等復軍遂共追破之及田弘旋軍周文令邊哲留鎮白帝信州先無倉儲軍糧匱乏邊哲乃收葛根造粉兼米以給之邊哲亦自取供食時有異膳即分賜兵士有疾患者又親加醫藥以此軍中感之人思致命

○邊哲累著雄姿為鄉里所服性復華侈能厚自奉妻滕王有百數男女六十九人緣澤十餘里閭第宅相次每鳴鑼導從往來其間縱酒徵賦盡平生之樂于孫泰見或忘其年名者拔海以審之

唐瑾

唐瑾字附璠北海人性溫恭有器量涉經史雅好屬文身長八尺二寸容貌甚偉周文聞其名乃貽唐永書自閩公有二子曰陵曰瑾陵從橫多武略瑾雅容富文雅可並遣入朝孤欲委以文武之任因召拜尚書員外郎相府記室參軍軍書羽機瑾多掌之累遷尚書右丞吏部郎中于時魏室播遷度務革創朝章國典瑾並參之遷戶部尚書進位驃騎大將軍時燕公于謹勳高望重朝野所屬白周文言瑾學行兼修與之同姓結為兄弟庶子孫承其餘論有益義方周文歎異者久之更賜瑾姓萬紐于氏瑾乃深相結納數長幼之序瑾亦廷羅于孫行弟任之敬其為朝望所宗如此○轉吏部尚書銓錄銜派雅有人倫之

慶時六尚書皆一時之秀周文自得人統為六俊然瑾尤見器重于謹南伐江陵以瑾為元帥府長史軍中謀略多出瑾為江陵既平衣冠任伍並沒而僕隸瑾察其才行有比善者輒諫免之賴瑾復濟者甚眾時論多為及軍還諸將多因擄掠大獲財物瑾一無所取唯得書兩車載之以歸或曰周文曰唐瑾大有器重是梁朝珍玩周文初不信之然欲明其虛實遂使檢閱之唯見皆籍而已乃歎曰孤知此人來二十餘年明其不利干義向若不令檢視恐常人有投符之疑孤所以益明之耳凡受人委任當如此也論江陵功進爵為公○六官虔授禮部中大夫出為蔡州刺史入為吏部中大夫歷御正納言內史中大夫曾未十旬遂遷四職卒

韓雄

韓雄字木蘭河南人也雄少敢勇奮力絕人工騎射有將率材略及孝武西遷雄使懷慨有五功之志大統初遂與其屬六十餘人於洛西舉兵數日間眾至千人與河南行臺傷瑒共為犄角每抄掠東魏所向剋獲東魏洛州刺史韓暨以狀聞鄴乃遣其軍司慕容紹宗與暨合勢討雄戰數合雄忠略盡見及妻子皆為暨所獲將以為戮乃遣人告雄至皆免之雄乃詣暨軍即隨暨還洛州行暨嘗謀欲襲之事洩適免獨周文於私農封武陽縣侯遣遠鄆里更圍進取雄乃招集義眾從獨孤信入洛陽芒山之役周文命雄遣齊神武於臨道神武怒命三軍并力取雄雄突圍得免除東徐州刺史東魏羅州刺史郭叔略據境頗為邊患雄塞圍之輕將十騎夜入其境伏於道側道都督韓仕於略城服東魏人衣服詐若自河陽叛投關西者略出馳之雄自後射之再發咸中遂斬略首降河南尹進爵為公尋進驃騎大將軍關府侍中明帝二年除都督中州刺史雄久在邊其知敵人虛實每率眾深入不避艱難前後總四十五戰雖時有勝負而雄志氣益壯東魏深憚之卒于鎮諡曰威子禽詞雄此傳見隋史

賀若敦

賀若敦洛陽人也其先居漢北世為部落大人父統勇健不好文學齊神武初起以統為顯川長史執刺史田迅以州降拜瓦州刺史○敦少有氣幹統之將執田迅也慮事不果又以累騎既多難以自拔沈吟者久之數年十七進策贊成其謀統流涕從之遂定謀歸西時羣盜蜂起大龜山賊張世顯等來襲統敦挺身赴戰手斬七八人賊乃走統大悅謂左右僚屬曰我少從軍旅戰陣非一如此兒年時膽略未見其人非唯成我門戶亦當為國名將○明年從獨孤信於洛陽被圍敦營三石弓箭不虛發信乃言於周文引置麾下授都督封安陸縣伯嘗從校獵甘泉宮時圍人不齊數多越連周文大怒人皆服戰圍內唯有一鹿俄亦突圍而走敦躍馬馳走鹿上東山敦棄馬步逐至山半便乃射之而下諸將因得免責入為軍司馬陳將侯瑱侯安都等圍逼湘州道絕糧援乃令敦度江赴敦連戰破瑱乘勝遂次湘州俄而秋水汎溢江路遂斷糧援既絕恐瑱等知其糧少乃於營內多為粟土覆之以米召側近村人陽有所訪問隨即遣之瑱等聞之良以為實敦又增修營壘造廩舍亦以持久相羅之間遂廢棄瑱等無如之何初土人巫乘輕船載米粟及籠雞鴨以餉瑱軍敦惡之乃偽為土人裝船伏甲士於中瑱軍人望見謂餉船之至進來爭取敦甲士遂擒之後實有饋餉及亡奔瑱者猶謂敦之詐並不敢受相持歲餘瑱等不能制求借餉送數度江敦慮其詐或謂曰舍我百里當為汝去瑱等遂留船於是將兵去津路百里敦規知非詐勒眾而還在軍病死者十五六晉公護以敦其地無功除其名敦恃功負氣頗其流輩皆為大將軍敦獨未得兼以相州之役全軍而反嗣被除名每出怨言晉公莫怒徵送逼令自殺臨刑呼子焯謂曰吾必欲平江南然心不果汝當成吾志吾以舌死汝不可不思因引錐刺獨舌出血誠以慎口建德初追贈大將軍諡曰烈焯傳見隋史

論曰周文帝屬禍亂之辰以征伐而定海內大則連兵百萬譬之以存亡小則轉戰邊亭不關於旬月是以兵無少長士無賢愚莫不投筆嬰功橫戈請奮巨盧宣楊始王稚輝雄等或壞翼雲漢底績屯夷雖運移年代而名成終始美矣哉賀若敦志略慷慨深入敵境勦寇絕其根道江淮阻其歸途臨危而策出無方事迫而雄心彌厲故能利涉死地全師以反而茂勳莫紀廢刑已及天下是以知宇文護之不能終其位也自南北分陽將三百年隋文爰應千齡將一匝夏賀若弼慷慨申必取之長策韓禽奮發奮餘勇以爭先隋氏自此一戎威加四海稽諸天道或時有廢興考之人謀實二臣之力其倣僅英略賀弼居多

申徽

申徽字世儀魏郡人也孝文初徽以洛陽兵難未已遂問行人關見周文與語奇之周文曉夏州以徽為洛陽參軍兼府主簿周文察徽沈密有度量每事信委之乃為大行堂郎中時東園草創幕府務殷四方書倣皆徽之辭也遷都官尚書十二年瓜州故請刺史以徽信洽西士拜假節瓜州刺史徽在州五稔儉約率下邊人樂而安之徽兼尚書右僕射加侍中驃騎大將軍○徽性勤至凡所居官業履無大小皆親自省覽以是事無稽滯吏不得為奸後難應公卿此志不懈出為襄州刺史時南方初附舊俗官人皆通餉遺徽性廉慎乃書揚震像於寢室以自戒及代還人吏送者數十里不絕徽自以無德於人慨然懷愧因賦詩題於清水亭長幼聞之皆競來就讀述相謂曰此是申使君手迹並屬頌之

陸通

陸通字仲明吳郡人曾祖載從宋武帝平關中軍還留載隨其子義真鎮長安遂沒赫連氏父政性至孝其母吳人好食魚北土魚少政求之常苦難獲宅側忽有泉出而有魚遂得以供膳時人以為孝感所致

因謂其泉為孝魚泉○通少敦敏好學有志節幼從政在河西遂逢寇難與政相通乃自拔東歸從介
朱榮命朱氏滅乃入關周文時在夏州引為喉肉督項之督拔岳為侯莫陳悅所害時有傳岳軍府已亡
散者周文憂之通以為不然居數日間至泉如所策自是愈見親禮遂晝夜陪侍家人罕見其面通雖處
機密愈自恭謹周文以此重之沙苑之役力戰有功又從解洛陽圍軍運屬趙雀反於長安周文將討
之以人馬皮弊不可速行人謂趙雀等一時陸梁不足為慮乃云我到長安但輕騎臨之必當面縛通進
曰趙雀等既以大軍不利謂朝廷傾危同惡相求遂成反亂然其逆謀久定必無違善之心且其詐言大
軍敗績東寇將至若以輕騎往百姓謂為信然更沮兆庶之望大兵雖疲樂精銳猶多以明公之感率思
歸之眾以順討逆何慮不平周文深納之累遷大司寇通性柔謹雖久處列位常清慎自守所得祿賜盡
與親故共之家無餘財嘗曰凡人患貧而不費不思費而不貧也

楊樹

楊樹字顯達高涼人也樹少優俊有志氣魏孝昌中介朱榮殺害朝士城陽王元徽逃難投樹樹蔽而免
之者莊帝立徵乃出復為司馬由是樹以義烈聞推拜伏波將軍給事中齊神武敗於沙苑其將韓軌潘
樂可朱渾元等為樹分兵擊殺故傷甚眾司馬恭懼樹威聲棄城逃走樹遂移據東雍州周文以樹有
謀略堪委邊任乃表行建州軍事時建州遠在敵境然樹威恩夙著所經之處多羸糧附之比至建州眾已
一萬東魏州刺史出兵進戰樹擊敵之又破其行臺斛律俱於州西大獲甲仗及軍資以給義士由是威
名大振東魏遣大保尉景攻隔正平復遣行臺蘇休義與斛律俱相會於是敵眾漸威樹以孤軍無援且
腹背受敵謀欲拔還復恐義徒背叛遂矯為周文書遣人若從外邊來者云已遣軍四道赴援因令人漏
泄使所在知之又分土人義酋各領所部四出鈔掠擬供軍費樹分遣訖遂於夜中拔還郿朝拜嘉

其雄以全軍即投建州刺史及齊神武國王壁別令倭景趣齊子嶺樹恐入寇邵郡率騎擊之景遂闚樹至斫木斷路者六十餘里猶驚而不安遂退還河陽其見憚如此十二年進授大都督加晉建二州諸軍事又攻破其鳩獲東魏將軍顯加開府復鎮邵郡十六年大軍東討授大行臺尚書丞表先擊茂攻其四成援之攻封華陽縣侯又於邵郡置邵州以樹為刺史率所部兵鎮之保定四年連少師其年大軍圍洛陽詔樹出戰關然樹自道東境二十餘年數與齊人戰每常克獲以此遂有輕敵之心時洛陽未下而樹深入敵境又不設備齊人奄至大破樹軍樹以眾敗遂降於齊樹之立勳也有慷慨壯烈之志及軍敗遂就虜以求苟免時論以此鄙之

論曰申徽為量深沉文之以經史陸通學悟明敏飾之以溫恭並夙奉龍顏早蒙任遇劾宣提戰功預拔荆義結周放恩生契蘭遂得入居端揆出撫列藩雖以識用成名抑亦情兼惟舊揚樹攻勝亦兵破而身因功名累落良可嗟矣易曰師出以律否臧凶得曰不備不虞不可以師其樹之謂也

韓褒

韓褒字弘業潁陽人也少有志高好學而不守章句其師洛閩之對曰文字之間常奉訓誘至於商數異同請從所好師因此奇之及長涉獵經史深沈有遠略屬魏室喪亂避地夏州時周文帝為刺史素聞其名特以客禮及賀拔岳為侯莫陳悅所害諸將遣使迎周文周文問以去留之計褒曰此天授也何可疑乎周文納焉及為丞相引為錄事參軍出為北雍州刺史州帶北山多有盜賊褒密訪之並臺右所為也而陽不之知厚加禮遇謂曰刺史起自書生安知督盜所賴卿等共分其憂耳乃悉召傑黠少年素為鄉里惠者置為主帥分其地界有盜發而不獲者以故縱論於是諸被署者莫不惶懼皆首伏曰前盜發者並某等為之所有徒侶皆列其姓名或亡命隱匿者亦悉言其所在褒乃取盜名簿風之因大勝州門曰

自知行盜者可惡來首即除其罪盡今月不首者顯戮其身籍沒其妻子以賞前首者旬日之間諸盜咸
見首蓋獲取名簿勳之一無差異並原其罪許以自新由是群盜屏息○入為給事黃門侍郎連侍中除
都督西涼州刺史羌胡之俗輕貧弱尚豪富豪富之家使漁百姓同於僕隸故貧者日削豪者益富獲乃
是募貧人以充兵士優復其家蠲免徭賦又調富人財物以振給之每西域商貨至又先盡貧者市之於
是貧富漸均戶口殷繁

柳遐

柳遐字子真河東解人宋太尉元景從孫也遐幼而夙邁神彩自然警敏便有成人之量為好文學勤合
規矩其世父屢達特器異之請曰吾昔違事伯父太尉公嘗謂吾云我昨夢汝登一樓甚峻麗吾以坐席
與汝汝後名官必達恨吾不及見耳吾向聊復晝寢又夢將昔時坐席還以賜汝汝之官位當復及吾特
宜勉勵以應嘉祥也梁西昌侯鎮雍州遐時年十二以百姓禮修謁風儀瑞首道止詳雅藻美之任梁
稍遷尚書功論郎陳郡謝朓時為僕射引遐與語甚喜之顧謂人曰江漢英靈見於此矣岳陽王黃譽於
襄陽承制授遐吏部郎賜爵開喜公尋進位侍御侍中驃騎大將軍開府及登踐帝位於江陵以襄陽來
做辭答曰陛下中興朕幸龍飛舊楚匡昔固幸會卑奉名節理當以身許國期之始終自晉氏南遷臣宗
族蓋寡從祖太尉世父儀同從父司空並以位望隆重遂家于金陵唯留先臣獨守墳楸常誠臣等使不
遺此志今襄陽既入北朝臣若陪隨蹙蹙進則無益廢路退則有虧先旨登重違其志遂許之因留鄉里
以經籍自娛周文帝頻徵固辭以疾及答祖遜舉不行舊臣之服保定中又徵之遐始入朝授驃騎
大將軍開府儀同三司霍州刺史遐專人務先以德再三不用命者乃徵加旣具示恥而已其下感而化
之不復為過或曰我君仁惠如此其可欺乎平贈金安二州刺史于靖社最知名

靖守思休少方雅博覽精任正員即隨入周授大都督歷河南履德二郡守所居皆有政術吏人畏而愛之其性愛閑書其於名利澆如也及秩滿還鄉使有故高之志隋文帝踐極特詔徵之以疾固辭優游不仕開門自守所貯唯琴書而已足不應國庭殆將十載于弟奉之若履君焉其有過者請必下鄉自責於是長幼相率拜謝於庭靖然後見之品以禮法鄉里亦慕而化之或有不善者皆由唯恐抑德廣知也時論方之王烈秦王後臨州奏以几杖具為當時所重如此關皇中壽終

儒林傳

儒者其為教也大矣其利物也博矣以篤父子以正君臣開教化之本原鑿生靈之耳目百王損益一以貫之雖世或污隆而斯文不墜自永嘉之後宇內分崩禮樂文章掃地特書魏道武初定中原雖日不暇給始建都邑便以經說為先立太學置五經博士生員千有餘人天興二年春增國子太學生員至三千人豈不以天下可為上取之不可以馬上臨之聖運經猷為遠矣四年春命樂師入學習舞釋菜于先師朔元時改國子為中書學立教授博士大武祐光三年春起太學於城東後徵盧玄高允等而令州郡各舉才學於是人多砥尚儒林轉興敬文天安初詔立鄉學郡置博士助教大和中改中書學為國子學建明堂辟雍尊三老五更又開皇子之學及遷都洛邑詔立國子大學四門小學孝文欽明稽古為好墳籍坐與據鞍不忘講道劉芳李彪諸人以經書進崔光邢密之徒以文史進其餘沙獵典章詞對莫不原以好為動貽賞於是斯文蔚然比隆周漢宣武時復詔營國學樹小學於四門大運儒生以為小學博士員四十人雖堂宇未立而經術彌顯時天下承平學業大盛故齊魚趙魏之間橫經著錄不可勝數太者千餘人小者猶數百州舉茂異郡貢孝廉封楊王庭每年逾京神恩中將立國學詔以三品以上及五品清官之中以充生選未及簡置仍復停設正光三年乃釋其於國學命祭酒崔光講孝經始置國

子生三十六人暨孝昌之後海內淆亂四方校學所在無幾齊仲武生於遼朔長於戎馬杖義建義掃清
區縣因魏氏喪亂屬命朱踐皓文章盛禮樂同奔健歌之音且絕祖臣之容將盡求中孝武復得英
於國學又於臨陽殿詔祭酒劉廐講孝經黃門李郁說禮記中庸舍人盧景雲講大戴禮夏小正篇復置
生七十二人及永熙而遷天平北徙雖序序之制有所未達而儒雅之道遂形心慮時初遷都於鄴國子
置生三十六人至興和武定之間儒業復盛矣始天平中范陽盧景裕同從兄仲禮於本郡起逆齊神武
免其罪置之膏館以經教授太原公以下及景裕卒又以趙郡李同軌繼之二賢並大蒙恩遇待以殊禮
同軌云亡復徵中山張彤武勃海李鍾刀李中山石曜等並為諸子師友及天保大寧武平之朝亦引進
名儒授皇太子諸王經術蓋自始基暨於李世唯濟南之在儲宮性識聰敏頗自砥礪以成其美自餘
多驕恣傲狠動違禮度日就月將無聞焉爾鏤冰雕朽選用無成蓋有由焉夫帝王子孫習性駘逸况茲
方之情不篤邪僻之路競開自非得自生和禮包上智而內縱聲色之娛外多大馬之好安能入則篤行
出則友賢者也徒有師傳之資終無琢磨之實貴游之輩雖以明經可謂指山竹箭加之括羽俯拾青紫
斷可知焉而齊氏司存或失其守師保疑丞皆賞類舊國學博士徒有虛名唯國子一學生徒數十人耳
曹子以通經進仕者唯博陵程子發廣平宋游卿而已自外莫見其人幸朝章寬簡政網疏闊游手浮情
十室而九故橫經受業之侶偏於鄉邑負友從官之徒不遠千里入關里之內乞食為資饒泰梓之陰動
踰十數燕趙之俗此象尤甚焉齊制諸郡並立學置博士助教授經學生俱差逼充員士流及豪富之家
皆不從調備員既非所好增籍固不關懷又多被州郡官人驅使縱有游惰亦不檢察皆由上非所好之
所致也諸郡俱得察孝廉其博士助教及游學之徒通經者推擇充舉射策十條通八以上聽九品出身
其尤異者亦蒙抽擢周文受命推重經典于時西都板蕩戎馬生郊先王之舊章往聖之遺訓掃地盡矣

於是求闕文於三古得至理於千載然魏晉之制度復姬旦之茂典虛景寧宇通筆勢修五禮之缺長孫紹遠才稱治閭正六樂之境由是朝章漸備學者嚮風明皇慕歷教尚學藝內有崇文之觀外重成均之職握素懷鈔重席解頤之士間出於朝廷國冠方領執經負笈之生著錄於京邑濟濟焉足以斷於尚時矣洎保定三年帝乃下詔尊太保燕公為三老帝於是服裘冕表碧絡陳文錦權禮容清蹕而臨太學禮制以食之奉膳以醕之斯固一世之盛事也其後命輔軒而致玉帛徵沈重於南荆及定山東降至尊而勞萬乘待熊安生以殊禮是以天下慕嚮文教遠章衣儒者之服扶先王之道開賢舍延學者比肩勸從師之志守專門之業辭親戚甘勤苦者成市雖遠儒藝業不遠魏晉之臣而風移俗變抑亦近代之美也○自正朔不一將三百年師訓紛紜無所取正隋文廢期業歷平一寰宇頓天綱以掩之貴旌帛以禮之設好爵以廉之於是四海九州強學待問之士靡不畢集焉天子乃整萬乘率百僚遊問道之儀觀釋奠之禮博士警蹕河之朔侍中竭重席之真考正士逸研最異同稽滯釐疑渙然水釋於是超擢奇雋厚賞詣儒克邑運乎四方皆嚴黌校齊魯趙魏學者尤多負笈從師不遠千里講誦之聲道路不絕中州之盛自漢魏以來一時而已及帝暮年精華稍竭不悅儒術尚刑名執政之徒咸非篤好暨仁壽間遂廢天下之學唯存國子一所弟子七十二人煬帝即位復開庠序國子郎孫之學盛於開皇之初徵群儒生遠近事至使相與講論得失於東都之下納言定其差次一以聞奏焉于時舊儒多已凋亡惟信都劉士元河間劉光伯拔萃出類學通南北博極今古復生鑽仰所製諸經議疏指紳咸師宗之既而外事四夷戎馬不息師徒息散盜賊羣起禮義不足以防君子刑法不足以威小人空有建學之名而無弘道之實其風漸墜以至滅亡方碩短步之徒亦轉死溝壑凡有經籍因此湮沒於煨燼矣遂使後進之士不得聞詩書之言皆懷攘竊之心相與陷於不義傳曰學者將殖不學者將落然則盛衰是繫興亡攸在有國有

家者可不慎歟漢世鄭玄並為眾經注解服虔何休各有所說玄易詩書禮論語孝經虔在氏春秋休公羊傳大行於河北王肅易亦闡行焉晉世杜預注左氏預玄孫坦弟驥於宋朝並為青州刺史傳其家業故齊地多習之自魏末大儒徐遵明門下講鄭玄所注周易遵明以傳盧景裕及清河崔瑒景裕傳稱會葬故權會早入鄆都郭茂恒在門下教授其後能言易者多出郭茂之門河南及青齊之間儒生多端王輔嗣所注師訓蓋寡齊時儒士罕傳尚書之業徐遵明兼通之遵明受業於元留王聰傳授浮陽李周仁及勃海張文敬李鍾河間權會並鄭康成所注非古文也下里諸生略不見孔氏注解武平末劉元伯別士元始得費昶義疏乃留意焉其詩禮春秋尤為當時所尚諸生多兼通之三禮並出遵明之門徐傳業於李鍾祖雋田元鳳為傳紀顯敬呂黃龍夏懷敬李鉅又傳授乃亦張賈雙鮑空祥邢峙劉宣羅安生安生又傳孫靈暉郭仲堅丁侍德其後生能通禮經者多是安生門人諸生盡通小戴禮於周儀禮兼通者十二三焉○通毛詩者多出於魏朝劉歆之獻之傳李周仁周仁傳董令度程歸則歸則傳劉歆和張思伯劉執思其後能言詩者多出三劉之門河北諸儒能通春秋者並服于慎所注亦出徐生之門張賈奴馬敬德邢峙張思伯張春禮張彤劉暹鮑長宣王元則並得服氏之精微又有銜鮑陳達潘叔度雖不傳徐氏之門亦為通解又有姚文安秦道靜初亦學服氏後兼更講杜元凱所注其河外儒生俱伏膺杜氏其公羊穀梁二傳儒者多不層懷論語孝經諸學徒莫不通講諸儒如權會李欽乃亦然安生劉執思馬敬德之徒多自出義疏雖曰專門亦皆相祖習也大抵南北所為章句好尚互有不同江左周易則王輔嗣尚書則孔安國左傳則杜元凱河洛左傳則服子慎尚書周易則鄭康成詩則並主於毛公禮則同遵於鄭氏南人約簡得其英華北學深異窮其枝葉者其然始要其會歸其立身成名殊方同致矣自魏梁越已下傳授講讀者甚眾今各依時代而次以備儒林云爾

劉獻之

劉獻之博陵人也少而孤貧雅好詩傳嘗受業於勃海程玄後遂博覽學籍見名法之言掩卷而笑曰若使楊墨之流不為此書靈數誰知其小也曾謂其所親曰樹屈原離騷之作自是狂人死其宜矣孔子曰無可無不可曾獲我心時人有從獻之學者獻之輒謂之曰人之立身雖百行殊途準之四科要以德行爲首子若能入孝出悌忠信仁讓不待出戶天下自知儻不能然雖復下帷針股躡屨從師正可博聞多識不過爲土龍乞雨肆惑將來具於立身之道有何益乎孔門之徒初亦未悟見單魚之數方乃歸而眷親嗟乎先達何自覺之晚也由是四方學者莫不高其行義希造其門○獻之善春秋毛詩每講左氏盡隱公八年使止云義例已了不復須解由是弟子不能究竟其說後本郡逼舉孝廉至京稱病而還遂之幸中山詔徵典內校書獻之喟然歎曰吾不如莊周散木遠矣一之謂甚其可再乎因以疾辭時中山張吾貴與獻之齊名四海皆稱儒宗吾貴每一講唱門徒千數其行業可稱者寡獻之著錄數百而已皆通經之士於是有識者辨其優劣魏承長氣之後五經大義雖有師說而海內諸生多有疑滯咸決於獻之六藝之文雖不悉注所標宗旨頗具舊義卒

張吾貴

張吾貴字真子中山人也少聰慧口辯身長八尺容貌奇偉年十八本郡舉爲太學博士吾貴先未多學乃從鄒論受禮牛天祐受易論祐祖爲閣發而已吾貴覽讀一遍便即別撰尸牘世人競歸之曾在夏寧聚徒千數而不講傳生徒竊云張氏之於左氏似不能說吾貴聞之謂曰我今夏講者能後當說傳君等來日皆當持本生徒怪之而已吾貴詣劉蘭蘭遂爲講傳三旬之中吾貴兼讀杜服隱括兩家異同悉舉諸生復集便爲講之義例無窮皆多新異蘭仍伏聽學者以此益奇之而辯能飾非毋爲說由是業不

久傳而氣陵牧守不屈王侯竟不仕而終

劉蘭

劉蘭武邑人也年三十餘始入小書學急就篇家人覺其聰敏遂令從師受春秋詩禮於中山王保安家貧無以自資且耕且學三年之後使白其兄來講說其兄笑而聽之為立齋舍聚徒二百蘭請在氏五日一遍兼通五經先是張晉貴以聰辨過人其所解說不本先儒之旨唯蘭推經傳之由本注者之意參以辨候及先儒遺事甚為精意自後經義審博皆由於蘭蘭又明陰陽博物故為儒者所宗瀛洲刺史裴植徵蘭講書於州南館植為學生故生徒甚盛海內稱焉蘭學徒前後數千成業者眾而排毀公羊又非董仲舒由是見譏於世為國子助教靜坐讀書有人叩門蘭命引入葛巾單衣入與蘭坐謂曰吾自是學士何為每見毀辱理義長短竟在誰而過無禮見陵也今欲相召當與君正之吉終而出蘭少時患死

徐遵明

徐遵明字子判華陰人也幼孤好學年十七隨鄉人毛靈和等詣山東求學至上黨乃師屯留王聰堂毛詩尚書禮記一年使辭聰游燕趙師事張吾貴門徒甚盛遵明伏膺數月乃私謂友人曰張生名高而義無檢格凡所講說不愜吾心請更從師遂與平原田猛略就范陽孫買德受業一年復欲去之猛略謂遵明日君年少從師每不遵業如此用意然恐無成遵明乃指其心曰吾今知真師所在矣正在於此乃詣平原唐遷居於營舍講孝經論語毛詩尚書三禮不出門院凡經六年時彈箏吹笛以自娛慰又知陽平館陶趙世業家有服氏春秋是晉世永嘉舊寫遵明乃往讀之復經數歲因手撰春秋義章為三十卷是後教授門徒每臨講坐先持經執疏然後啟講學徒至今沒以成俗遵明講學於外二十餘年海內莫不宗仰頗好聚斂與劉歊之張吾貴皆河北聚徒教授恩納錄景留衣帛以待之名曰彭賢有指儒者之風

遵明見鄭玄論語序云書以八寸策誤作八十宗月曲為之說其僻也皆如此獻之吾貴又甚焉

李業興 宗祖

李業興上黨人也少耿介志學晚乃師事徐遵明於趙魏之間時有馮陽解于靈輿亦聚徒教授而遵明聲譽未高著錄尚寡業興乃詣靈輿當含頰受業者靈輿乃謂曰李生久運菟博士何所得也業興默爾不言及靈輿說左傳業興問其大義數聲靈輿不能對於是振衣而起曰羌弟子正如此耳遂使徑還自此靈輿生徒傾學而就遵明學徒大盛業興之為也後乃博涉百家圖緯風角天文占候無不討練尤長算曆雖在貧賤常自矜負若禮待不足縱於權貴不為之屈後為王遵業門客舉孝廉為校書郎以世行趙匪厲節氣後辰下拜廷高中學興乃為戊子元眉上之于時張洪張龍詳等九家各獻新曆宣武詔令共為一曆洪等後遂共推業興為主成戊子曆正光三年奏行之業興以殷履甲寅高帝辛卯徒有積元術數亡缺又脩之各為一卷傳於世子崇祖傳父業

崇祖字子述父翼梁朝士命盧景裕講易崇祖時年十一論難往復景裕憚之業興助成其子至於忿閤文翼色甚不平姚文安難服皮左傳解七十七條名曰駁妄崇祖申明服氏名曰釋謬

李銍

李銍字實巖勃海人也九歲入學奮氣就篇月餘便通家素貧常春夏務農冬乃入學銍以鄉里無可師者遂與州里楊元述河間宗惠振等結友詣六儒徐遵明受業居徐門下五年常稱高第年二十三便自潛居討論是非撰定孝經論諸毛詩三禮義疏及三傳異同周易義例合三十餘卷用心精苦曾三秋冬不畜枕每睡假然而已來游京師讀所未見書舉秀才除太學博士銍以去聖久遠文字多有非謬於講授之暇遂覽說文倉雅刪正六藝經註申謬字名曰字辨

馮偉

馮偉字偉節中山人也身長八尺衣冠甚偉見者肅然少從李實舉學李重其聰敏恒別意試問之多所通解尤明禮傳遂選鄉里閉門不出將三十年不問生產不支賓客專精學思無所不通齊趙郡王出鎮定州以禮迎接命書三至縣令親至其門猶辭疾不起王將命駕致請佐吏前後星馳報之縣令自為其整冠履不得已而出王下廳事迎之止其拜伏分階而上留之賓館甚見禮重王將舉充秀才固辭不就獻餘請還王知其不願拘束以禮發遣贈遺甚厚一無所納唯受時服而已及還不交人事郡守縣令每親至歲時或置羊酒亦辭不納門徒束脩一毫不受蠶而衣耕而飯單食瓢飲不改其樂以壽終

邢峙

邢峙字士峻河間人少學通三禮左氏春秋仕齊初為四門博士遷國子助教以經入授皇太子峙方正純厚有儒者風尉宰進太子食菜有邪蒿峙令去之曰此菜有不正之名非殿下宜食定嘗聞而嘉之賜以被褥練纈

劉暹

劉暹字孔昭勃海人也少孤貧愛學伏膺無倦常閉戶讀書與儒者李實賡同鄉甚相親愛實舉其三禮又就馬敬德習服氏春秋俱通大義恨下里少墳籍使杖策入都知宋世良家有書五千卷乃求為其子博士志意投覽晝夜不息選舉秀才策不第乃恨不學屬文方復緝綴辭藻言甚古拙制一首賦以六合為名自謂絕倫乃歎儒者勞而寡功曾以賦呈魏收而不拜收念之謂曰賦名六合已是大愚文又屬於六合君回體又甚於文暹不忿又以示邢子才子才曰君此賦正似疥駱跪伏而無媿媿畫求秀才十年不得發憤撰高才不遇傳孝昭即位好愛直言暹聞之喜曰董仲舒公孫弘可以出矣乃步詣晉陽上

書言亦切直而多非世要終不見收米編錄所上之書為帝道河清中又著金箱壁言蓋以指機政之不
良蓋常自謂博物奇才言好弄大母言使我數十卷書行於後世不易香景之千駒也容止舒緩舉動不
偷由是竟無仕卒於家

張景仁

張景仁濟北人幼孤家貧以學書為業遂工草隸選補內書生與魏郡姚元樹頡川韓毅同郡意買奴榮
陽李超等齊名交襄並引為賓客天保八年敕教太原王紹德書後主在東宮武成令侍書遂被引擢小
心恭謹後主愛之呼為博士登祚累遷通直散騎常侍在左右與語猶稱博士胡人何洪珍有寵於後主
欲得通婚朝士以景仁在內官位稍高遂為其兒子取景仁第二息瑜之女因以表裏相援通日隆景
仁性本卑謙及用胡人巷伯之勢坐致通顯志操頗改良馬輕裘徒從擁兒高門廣宇當衝向街諸子不
思其本自許貴游自倉頡以來八體取進一人而已

熊安生

熊安生字植之長樂人也少好學勵精不倦從陳達受三傳從房料受周禮事徐遵明服膺歷年後受禮
於季寶胤達博通五經然身以三禮教授弟子自遠方至者千餘人乃討論圖緯據捭異聞先儒所未悟
者皆發明之齊河清中陽休之特奏為國子博士時西朝既行周禮公卿以下多習其業有宿疑碩滯者
數十條皆能詳辯天和三年周齊通好兵部尹公正使為與齊人語及周禮齊人不能對乃令安生至
賓館與公正言公正有口辯安生語所未至者便撮機要而駁問之安生曰禮義弘深自有條貫必欲升
堂觀奧寧可洞其先後但能留意當為次第陳之公正於是問所疑安生皆為一一演說咸究其根本公
正嗟服安生既學為儒宗常受其業植名於後者有馬榮伯賈士榮孔籠劉焯劉炫等皆其門人焉○安

生與同郡宗通腫張暉紀顯敬徐惠明等為祖師道暉好著高翅帽大履州將初臨輒服以謁見仰頭舉肘拜於履上自言學士比三公安生在山東時歲歲遊講從之者傾郡縣

論曰古語云容體不足規勇力不足恃族姓不足道先祖不足稱然而顯聞四方流聲後胤者其惟學乎信哉斯言也梁越之徒篤志不倦自求諸己遂能聞道下風稱珍席上或聚徒千百或服勞桑軒殿指古之力也然遠惟漢魏碩學多清道遠乎近古臣儒多鄙俗文武不淫弘之在人豈獨勇於當今而皆明哲於往昔在乎用與不用知與不知耳然貴之錫諸庶績必舉德於鴻儒近代左右邦家咸取士於刀筆縱有學優入室動踰剝服名高海內擢第甲科若命偏時未有望於青紫或數將連拜必見棄於草澤然則古之學者謀在其中今之學者困於貧賤明達之人志識之士安肯滯於所習以求貧賤者哉此所以儒罕通人學多鄙俗者也至若劉焯德冠播紳敦窮天象既精且博洞究幽微鉤深致遠源流不測數百年來斯一人而已劉焯實通儒才堪厥務尤流七略無不該覽雖探賾索隱不遑於焯焯成義說文雅過之並時不我與假垂濶空斯乃子夏所謂死生有命富貴在天天之所與者聰明所不與者胥仕上聖且猶不免焯焯其如何

文苑傳

易曰觀乎天文以察時變觀乎人文以化成天下然則文之為用其大矣哉夫聰三古彌綸百代若乃墳素所紀靡得而云典謨已降遺風可述至於制禮作樂騰寶飛聲善乎言之不文行之豈能遠也是以曲阜之多才多藝盛三代之正其源閩里之性與天道修六經以維其末用能窮神知化稱首於千古經邦緯俗藏用於百代至哉斯固聖人之述作也述乎兩周道長七十義奔淹中視下八儒三墨之真漆園秦谷石法兵農之別雖雅語與義氣未盡善考其遺跡亦賢達之流乎其離德放逐之臣達窮後門之士道

轅軻而未遇志抑鬱而不中憤激委約之中飛文魏闕之下奮迅泥滓自致青雲振沈溺於一朝流風聲於千載者往往而有矣漢自孝武之後雅尚斯文揚葩振藻者如林而二馬王楊為之傑東京之朝茲道逾扇咀微含為者取市而班傳張蔡為之雄當塗受命尤好藝家金行勃興無替前代曹王陳阮負宏行之思挺棟幹於鄧林潘陸張左禮信麗之才飾羽儀於鳳穴斯並高視當世連劍孔門雖時運推移質文屢更譬猶六代並奏易俗之用無爽九源競逐一致之理同歸曆選前英於斯為盛既而中州板蕩戎狄交侵借為相屬生靈塗炭故文章黜焉其能潛思於戰爭之間揮翰於鋒鏑之下亦有時而間出矣若乃魯徵杜廣徐光尹弼之儔知名於二趙宋該封其采彤梁諶之屬兒童於燕秦皆追於倉卒毒於賊陣章奏行職則榮然可觀體物緣情則寂寥於世非其才有優劣時運然也至於朔方之地墓簡夷俗胡義周之頌國部足稱宏麗區區河右而學者埒於中原劉延明之銘酒泉可謂清典子曰十室之邑必有忠信蓋徒言哉洎乎有魏定鼎沙朔南包河淮西吞關隴當時之士有許謙崔宏宏子浩高允高閎游雅等先後之間聲實俱茂詞義典正有永嘉之遺列焉及太和在運銳情文學因以頡頑漢徹跨躡曹玉氣韻高遠靈蕩獨構衣冠仰止威慕新風律調頌殊西度遂改辭罕泉源言多留體潤古彤今有所未遠是故雅言麗則之奇綺合綉聯之美眇歷歲年未聞獨得既而陳郡袁詡河內常景晚接曙穎稍革其風及明皇御歷文雅大盛學者如牛毛成者如麟角孔子曰才難不其然乎于時陳郡袁詡弟暉河東裴敬憲弟莊伯莊伯族弟伯茂范陽盧觀弟仲宣頓丘李諧勃興高肅何開邢斌趙固李騫彭珍瓊瑤刻削杞梓並為龍光俱稱鴻翼樂安孫彥舉濟陰温子昇並自孤寒轉然特起咸能綜採繁縟興屬清華比於建安之徐陳應劉元康之潘張左東各一時也有齊自霸業云啓廣延髮優開四門以賓之頓八紘以掩之邾都之下煙霧霧集河間邢子才鉅鹿魏伯起范陽盧元明鉅鹿魏李崇清河崔長儒河間邢子明范陽祖

孝徵中山杜嗣玄北平陽子烈並其流也復有范陽祖鴻勳亦各文士之列及天保中李祖陸印崔暹陸元規並在中書參掌給詔其李膺與趙李德林盧詢祖慮意道始以文章著名皇建之朝嘗侍王昶獨撰其美河清天統之辰杜臺卿劉逖魏騫亦參詔敕自李膺已下在省唯撰述除官詔旨其間涉軍國文翰多是親收作之及在武平李若荀士選李德林薛道衡並為中書侍郎與司綸後復主離溺於羣小洪頤好詠詩幼時嘗讀詩賦語人云終有解作此理不初因畫屏風教諸故及晉陵王孝武錄古賢烈士及近代輕艷諸詩以充圖畫帝彌重之後復遠蕭愨頤之推同入撰錄猶依霸朝謂之館客故及之推意故更廣其事又因祖珽輔政愛重之推又託鄧長頤漸說後主屬意斯文三年祖珽奏立文林館於是更召引文學士謂之待詔文林館焉周氏創業連屬陳惠遺文於既喪聘奇士如弗及是以蘇亮蘇綽盧士唐瑾元偉李昶之徒咸奮翹翼自致青紫然綽之建言務存質朴遂摯批魏晉文章虛及雖屬解有師古之美猶狂非適時之用故莫能常行焉既而革車虛滿清宮雲撤浪荆之風扇於荆右狂詞之徒斐然成俗沈蕩忘反無所取裁夫人有六情稟五常之秀情感六氣順四時之序蓋文之所起情發於中而自漢魏以來迄乎晉宋其體屢變前哲論之詳矣暨承明天監之際大和天保之間洛陽江左文雅尤盛彼此好尚自有異同江左宮商發越貴於清綺河朔詞義貞剛重乎氣質氣質則理勝其詞清綺則文過其意理深者便於時用文華者宜於詠歌此其南北詞人得失之大較也若能撮彼清音簡繁累句各去所短合其兩長則文質彬彬益美善矣梁自大同之後雅道漸缺漸乖典則爭馳新巧簡文湘東啟其淫放徐陵庾信分路揚領其意淺而繁其文匿而彩詞尚輕險情多哀思格以延陵之聽羞亦亡國之音也隋文初統萬機每念斯彫為模發號施令咸去浮華然時俗詞藻猶多淫麗故憲臺執法屢飛霜簡賜壺切習藝文有非輕側豎子即位一變美體與越公書建東都詔冬至受朝詩及擬飲馬長城窟並存雅體歸於

典制雖意在稽淫而辭無浮揚故當時綴文之士遂得依而取正焉所謂能言者未必能行蓋亦君子不以人廢言也爰自東帝歸秦逮乎青益八洛四隕威嚴九州攸同江漢英靈燕趙奇俊並該天網之中俱為大國之寶言何其楚片善無遺溯水源流不能十數才之難也不其然乎時之文人見稱當世者則齊人范陽盧思道安平季德林河東薛道衡趙郡李元操鉅鹿魏澹陳人會稽虞世基河東柳瑒高陽許善心等或屬揚河朔或獨步漢南俱騁龍光並驅雲路矣○魏書序袁躍裴敬憲盧觀封肅邢威裴伯茂邢昕溫子昇為文苑傳今唯取子昇其餘並各附其家傳齊書叙祖鴻勳李膺樊遜劉逵荀士選顏之推為文苑傳今唯取祖李樊荀其餘亦各附其家傳周書不立此傳今取王褒庾信列於此篇顏之推竟從齊入周故列在王庾之下顏之儀既之推之弟故列在之推之末隋書序劉臻崔德王頊諸葛穎王貞孫萬壽虞綽王胃度自直潘徽為文學傳今檢在德王頊孫萬壽各從其家傳其餘編之此篇并取虞世基許善心柳瑒明克讓冠之於此以備文苑傳云

溫子昇

溫子昇字鵬舉自云太原人晉大將軍嶠之後也避難歸魏家于濟陰宛句因為其郡縣人馬子昇初受學於崔靈恩劉蘭精勤以夜繼晝晝夜不倦長乃博覽百家文章清峻為廣陽王深敬客在馬坊教書作侯山祠堂碑文常景見而善之故誦深謝之景曰頃見溫生深性問之景曰溫生是火才士深由是稍知之○熙平初東平王匡博召辭人以充御史同時射策者八百餘人子昇與盧仲宣孫季等二十四人為高第於是朝議者爭相引決匡使子昇當之皆受屈而去舉朝人曰朝來靡靡亂職者皆子昇遂北還補御史時年二十二臺中彈文皆委焉潘暉王暉業嘗云江左文人宋有顏延之謝靈運梁有沈約任昉我子昇足以陵顏辭謝合任吐沈揚暉彥作文德論以為古今辭人皆負才遺行流薄險忌唯邢子才王元

景溫子丹彤彤有德素

李廣

李廣字弘基范陽人博涉羣書有才思少與趙郡李奉吾名爲形親之亞而納於言敏於行中尉崔暹精選御史皆是世胃廣獨以才學兼侍御史修國史南臺文奏多其辭也廣常欲早朝假寐忽覺驚謂其妻曰吾向似睡非睡忽見一人出吾身中語云君用心過苦非精神所堪今辭君去因而恍惚不寐三日便過疾積年音終

樊遜

樊遜字孝謙河東人也祖琰父銜並無宦官而銜性至孝長父員土成墳植柩方數十畝朝夕號慕悲少好學其兄仲以造埴爲業亦常優饒之遜自責曰爲人弟苟安女逸可不愧於心乎故同勤事業母馮氏謂曰汝欲謹小行邪遜感母言遂專心典籍恒書壁作見賢思齊四字以自勸勵范醜陋有才氣屬本州淪陷寓居鄴中爲臨漳小史縣令裴鑿甚官清苦致曰雀等瑞避上清德頌十首鑿大加賞重擢爲主簿仍薦之於右僕射崔暹與海東李廣勅海封孝琰等爲選賓客人有識其靜默不能趨時者遂常服皂方朔之言陸沈世俗避世金馬遂備然沈公子爲主人擬客難制客論以自廣

王褒

王褒字子深琅邠人也曾祖儉祖壽父規並南史有傳褒歲量淹通志懷沈靜美處儀焉談笑博覽少傳七歲能屬文外祖袁昂愛之請賓客曰此兒當成吾宅相弱冠舉秀才除祕書郎梁元帝嗣位褒有舊召拜吏部尚書石僕射乃遷左丞褒既名家文學優瞻當時咸共推挹故位至隆重寵遇日甚而愈自謙捕不以位地矜物時論稱之○初元帝平侯景及禽武陵王紀後以建鄴凋殘時江陵殷盛使欲安之又其

政府臣僚皆楚人也並願即却郵郵當召羣臣議之胡僧祐宗慆黃羅漢劉毅等曰建鄴王氣已盡又荆南地有天子氣遷徙非宜元帝深以為然疑性謹慎和元帝多猜忌弗敢公言其非後因清閣密說言辭甚切元帝意好刑楚已從僧祐等策意不用及魏征江陵元帝校喪都督城內諸軍事僧祐從元帝入金城微而元帝出降喪遂與眾俱出見柱國于謹甚禮之喪自作哀歌妙盡塞北寒苦之言元帝及諸文士並和之而羣為悽切之辭至此方驗焉

庾信

庾信字子山南陽人祖易父肩吾並南史有傳信幼而俊邁通敏絕倫博覽羣書尤善春秋左氏傳身長八尺體帶十圍父肩吾為梁太子中庶子掌書記史海傳稱爲右衛軍掾子陵及信並高抄撰學士父子東宮出入禁闈恩禮莫與比隆既文正時疆故世號爲徐庾體馬當時復其體稱爲徐庾每有一文都下莫不傳誦累遷通直散騎常侍聘于東魏文章辭令盛爲都下所稱梁元帝承制除御史中丞及即位轉右衛將軍聘于西魏屬大軍南討遂留長安江陵平昇進儀同三司陳氏與周通好南北流寓之士各許遷其舊國陳氏乃請王褒及信等十數人武帝唯放王吉殷不害等信及褒並惜而不遣昇徵爲司宗中大夫明帝武帝並雅好文學信持策自魏禮至於趙滕諸王周旋款至有若布衣之交羣公碑誌多相託焉唯王褒願與信埒自餘文人莫有逮者信雖位望通顯常作鄉閭之思乃作哀江南賦以致其意

論曰古之人所貴名不朽者蓋重言之尚存王褒庾信願之推虞世基柳詵許善心明克讓劉臻王貞虞綽王胄等並極南士譽望又如之以才名其爲貴顯固其宜也自餘或位下人從居常亦何能自達及其靈地可據天網俱頌並編緗素感賈辭林雖其任可下其身可殺于數之外貴賤一焉非此道也孰云能數凡百士子可不務子

孝行傳

孝經云夫孝天之經也地之義也人之行也論語云君子務本本立而道生孝悌也者其為仁之本歟呂覽云夫孝三皇五帝之本務萬事之綱紀也執一術而百善至百邪去天下順者其唯孝乎然則孝之為德至矣其為道遠矣其化人深矣故聖帝明王行之於四海則與天地合其德與日月齊其明諸侯卿大夫行之於國家則求保其宗社長守其祿位匹夫匹婦行之於閭閻則播微烈於當年揚休名於千載是已矣然而淳源既往流風愈替禮義不樹廉讓莫修若乃鎔銀黃列鐘鼎立於朝廷之間非一族也積德貝實倉廩居於閭巷之內非一家也其於愛敬之道則有未能備焉哀思之地厥迹多緒其心一焉若乃誠達泉魚所以思慕冠孔門有以看衣錦也且生盡孝養之方終極哀思之地厥迹多緒其心一焉若乃誠達泉魚感通鳥獸事匪常倫斯蓋希矣至如溫床席蒲灌樹負土易或如人感為疾俗斯固仁人君子所以興教哲后賢宰所宜屬心如令明教化以救其弊優爵賞以勸其心存德誠以誘其進積歲月以求其終則今之所闕少者可以為多古之所謂難者可以為易矣長孫虎等開稽古之學無後傳之才或任其自然情無矯飾或為於天性動具四體並竭股肱之力感靈愛敬之心自足膝下之惟志懷軒冕之貴不言而化人神通感雖或位登台輔爵列王侯祿積萬鍾馬繁千駟死之日曾不得與斯人之徒隸齒孝之大也不其然乎案魏書列趙瑛長孫慮乞伏保孫益德董洛生楊引閻元明吳志連王績生李願達倉颉張昇王崇郭文恭為孝感傳周書列李棠柳僧杜毗荆可秦族皇再遊張元為孝義傳隋書列陸彥師田德慈薛潘王頌田翼楊慶郭世俊紐固劉仕雋郎方貴翟普林李德範畢秋徐孝肅為孝義傳今趙瑛李棠柳僧杜毗陸彥師李德範八別傳其餘並從此編緝以備孝行傳云

王宗

王宗字楚邑雍丘人也兄弟並以孝稱身勤稼穡以養二親任梁州鎮南府主簿母亡杖而復起鬢髮墮落未及其權頽宅而宗慮於殯所畫夜哭泣鳩鵲羣至有一小鳥青質黑眸形大於雀栖於宗廬朝夕不去獲丁父憂哀毀過禮是年夏風雷所經處禽獸暴化草木摧折至宗田畔風雷便止禾麥千頃竟無損落及過宗地風雷如初咸稱至行所感崇雖除服仍居墓側於其室南生草一根莖葉甚茂人莫能識至冬中復有鳥巢宗廬乳養三子毛羽成長馴而不驚守令聞之親自臨視州以聞奏錄其門閭

張元

張元字孝始河北人也性謙謹有孝行微涉經史又精釋典年六歲其祖以其夏中熱欲將元就并浴元固不肯從謂其貪戲乃曰汝何為不肯浴元對曰衣以羞形為覆其親元不能覆其體於白日之下祖異而捨之南隣有二杏樹香熟多落元園中詣小兒競取而食之元所得者遂還其主及年十六其祖喪明三年元恆憂泣晝夜讀佛經禮拜以祈福祐後請藥師經見盲者得視之言遂請七僧然七燈七日七夜轉藥師經行道每言天人師乎元為孫不孝使祖表明今以燈先善德法界願祖目見明元求代闡如此經七日其夜夢見一老翁以金鏡摩其目於夢中喜躍遂即覺乃徧告家人三日祖目果明其後祖卧疾再周元恆隨祖所食多少衣冠不解旦夕扶持及祖沒號踴絕而後蘇隨其父水漿不入口三日感歎異之縣博士楊執等三百餘人上其狀有詔表其門閭

論曰蓋天地而橫四海者唯孝而已矣然則孝始受教之方終極哀思之道厥亦多緒其心一焉若上智稟自然之質中庸有企及之義及其成名其美一也長孫虛等或出公卿之緒藉禮教之資或出菲薄之下非獎勸所得並因心乘理不踰禮教感通所發貴之神明乃有負主成墳致毀滅性雖亦先王

之典制亦觀過而知仁矣

節義傳

易稱立人之道曰仁與義蓋士之成名在斯二者故古人以天下為大方身則輕生為重矣比義則輕然則死有重於泰山貴其理全也生有輕於鴻毛重其義全也故生無再得死不可追而仁道不遠則故身以徇義重於生則捐軀而踐龍逆頌命於夏癸比干竭節於商辛申劊斷臂於齊莊軀液納肝於衛懿漢之紀信索布晉之向雄松紹並不憚於危亡以蹈忠貞之節雖功未存於社稷力無救於顛隍然視彼苟免之徒贊三光而洞九泉矣凡在立名之士莫不庶幾焉甚至臨難忘身見危投命雖斯文不墜而行之羞寡固知士之所重信在茲乎非夫內懷金石之心外負陵霜之節孰能行之若命赴蹈如歸者乎○自魏訖隋年餘二百若遠歲寒見松栢疾風知勁草千載之後慷慨猶生豈獨聞彼伯夷儒夫立志亦冀將來君子有所庶幾魏書序于什門段進石文德汲固王玄威曼提劉濁侯朱長生馬八龍文門愛亮清劉侯仁石祖興郭洪哲王榮世胡小彪孫道登李几張安祖王閻以為節義傳今又檢得郭琰沓龍超乙述孤佛保及周書孝節傳李崇杜叔毗附之又案齊書不立此篇而隋書序劉弘景魏游元馮慈明張須陁楊善會獨孤盛元文都盧楚劉子珣竟君素為節傳今馮慈明獨孤盛元文都各附其家傳其餘並附此篇又檢取隋書孝義傳郎方晉郭世雋亦附之以備節義傳云

于什門

于什門代人也魏明元時為高者使喻馮跋及至和龍住外不入使謂跋曰大魏黃帝有詔須馮主出受然後敢入跋使人牽逼令人見跋不拜跋令人棄其項什門曰馮主拜受詔吾自以賓主致敬何須苦見逼也與跋往復聲氣厲然初不撓屈既而跋止什門什門於羣眾中回身行跋披袴後襪以辱之既而拘

留隨身衣裳以境略盡取以衣服拒而不受歷二十四年後馮弘上表稱臣乃送什門歸拜書侍御史
天武下詔褒美之蘇武賜羊千口帛千疋進為上大夫策告宗廟班示天下

汲園

汲園東郡梁城人為宛州從事刺史李式生事被收更人皆送至河上時式子憲生始滿月式大言於眾
曰往安軒白何如人也因曰今古豈殊遂便浮還不顧徑乘入城於式婦抱憲歸藏及捕者收憲憲有
婢產男母以婢與授之事泄園乃攜憲逃遁遇赦始歸憲即為園長育至十餘歲恒呼園夫婦為即妻後
高祐為宛州刺史嘉園節義以為主簿

朱長生手提

朱長生于提者並代人也孝文時長生為員外散騎常侍于提俱使高車王阿伏至羅青長生等拜長生
拒之阿伏至羅乃不以禮待長生以金銀寶器奉之至羅既受惠長生日為臣內附宜盡臣禮何得口云
再拜而寔不拜呼出帳命眾中拜阿伏至羅慚其臣下大怒曰帳中何不教我拜而辱我於大眾長生
等獻物內之叢石兵脅之曰為我臣則活不降則殺汝長生與于提顯目厲聲責曰我為鬼不為汝臣阿
伏至羅大怒絕其飲食從者三十人皆求阿伏至羅乃給以肉解長生與提又不從乃各分徙之三歲乃
放還孝文以長生等守節遠同蘇武拜長生河內太守提隴西太守並賜爵五等男從者皆為令長

論曰于什門等或臨危不挽視死如歸或赴險如勇唯義所在其大則光國隆家其小則損己利物故
其盛烈所著與河海而爭流峻節所標共竹柏而俱茂並蹈履之所致身沒名立豈徒然哉

循吏傳

先王彊理天下司牧黎元刑法以禁其奸禮教以防其欲雖為政以德理寔殊塗百慮一致在斯而已書

云知人則哲又云無曠庶官言非其人為空官也淑哲之后必致清明之臣昏亂之朝多有貪殘之吏嗜
欲所召影響從之故五帝三王不易人而化皆在所由化之而已蓋有不能之吏無不可御之人焉自罷
侯置守歷年永久統以方牧仍世相循所以寬猛為用庶人調俗但康平常亦聲有難高適時應務招響
必違是故博擊為侯起不旋踵懦弱貽咎錄用無時此則已然於前世矣後之為吏與世沉浮叔季澆漓
奸巧多結居官在職道各不同故往籍述其賢能以彰懲勸之道○素魏立良吏傳有張恂鹿生張膺宋
世景路邕陶慶胤明亮杜纂裴他實瓊羊敷兼淑齊立循吏傳有張華原宋世良郎基孟業崔伯謙蘇瓊
房約路去病周書不立此篇隋循吏傳有梁彥光樊叔略趙執房恭懿公孫景茂辛公義柳儉劉曠王伽
魏德深其張恂鹿生宋世景裴他羊敷宋世良郎基崔伯謙房約趙執房恭懿各附其家傳其餘皆依時
代編輯以備循吏篇云

明亮

明亮字文德平原人也。有識幹歷員外常侍。延昌中宣武臨朝堂親自黜陟授亮勇武將軍亮進曰臣本
官常侍是第三清今授臣勇武其號至濁且文武殊請更改授帝曰九流之內人咸君子卿獨欲乖眾
妄相清濁所請未可亮曰今江左未賓書軌宜一方為陛下投命前驅拓定吳會官爵陛下之所輕賤命
微臣之所重陛下方收所重何惜所輕因請改授平遠將軍帝曰運籌用武然後遠人始平卿但用武平
之何患不得乎亮乃陳謝而退除陽平太守清白愛人甚有惠政轉汝郡太守為政如前尋室遠近
卒二郡人吏迄今追思之

杜纂

杜纂字榮孫常山人。試郡太守以清白為名。明帝初拜清河內史。性儉約。尤愛貧老。問人疾苦。至有對之

泣涕勸督履妻親自檢視勤者賞以物帛情者加以罪譴弔死問生甚有恩紀除東蓋州刺史無御邊威
略虜區反叛以夫人和微運遷太中大夫正光末清河人房通等三百人頌德政乞重臨郡詔許之峯昌
中為萬榮圍逼以郡降榮以為常山太守榮派卒於家兼所歷任好行小惠蔬食弊衣多涉誣矯而輕財
潔己終無受納為百姓所思號為長守

張華原

張華原字爾滿代郡人少明敏有氣度初為齊神武驛騎府法曹參軍尋除散騎常侍周文始據雍州神
武使華原入關說周文始據雍州神武使華原入關說周文謂曰若能屈驥足於此當共享富貴不
爾命懸今日華原曰頭首而已不敢問命周文嘉其亮正乃使東還尋悔遣追不及神武以華原久而不
返每數愖之及聞其來喜見於色復除相府右長史遷驃騎大將軍華原有幹略建政體至秀州乃廣布
耳目以威禁境內大賊及隋州亡命三百餘人皆詣華原歸款咸撫以恩信放歸田里於是人懷感附寇
盜服息州獄先有繫囚千餘人華原科簡輕重隨事決遣至年暮唯有重罪者數十人華原各給假五日
曰期盡還也囚等曰有君知是何恩背之依期畢至先是州境數有猛獸為暴自華原臨政州東北七
十里輒山中忽有六殿食極豐咸以為化感所致卒官州人大小莫不號慕為樹碑立祠四時祭焉

孟業

孟業字敬業鉅鹿人也家本寒微少為州吏性廉謹同僚諸人侵盜官絹分與業拒而不受魏彭城王韶
齊神武之婿也拜定州刺史除業為典籤長史劉仁之謂業曰我處其外君居其內同心戮力庶有濟乎
未幾仁之入為中書令臨路啓韶云殿下左右可信任者唯有孟業願專任之餘人不可信也又與業別
執手曰令我出都君便失援恐君在援不自保全唯正與直願君自勉業唯有一馬瘦死詔以業賞令州

府官人同食馬肉欲令厚相酬饋業固辭不敢詔乃蒞業曰御邀名人也對曰業為興蕺州中要職諸人欲相賄賂止患無方便耳今啖食肉恐致聚斂有損聲名所以仰違明教後未旬日詔左右王四德董惟金並以馬死託肉為長吏器致英密啓神武有書與詔大致請讓業尋被指出外行縣事復神武書書詔云興蕺姓孟者極能用心何乃令出外也及詔代下業亦隨還贈送一無所受仁之後為西兗州臨別謂吏部郎中崔暹曰貴州人士唯有益業餘舉之次不可忘也暹問業曰君往在定州有何政使劉西兗如此歟業答曰唯知自修也齊天保初清河王岳拜司州牧召為法曹及謁見岳心鄙其眇小笑而不言復尋業斷決處謂曰卿斷決之明可謂有過軀軀之用補河間王國郎中令清貧自守未曾有失文宣謂侍中袁英起曰卿識河間王郎中孟業不昨見其國司文案似是好人對曰昔與臣同事魏彭城王元韶其人清忠正直世所希有第曰如公言者比來便是大屈除中書舍人文宣初唯得姓名及因奏事見其藏老又質性敦朴無升降之容加之平緩寡於方便有一道士由吾道禁以術藝故迎將入內業為通名忽於殿中抗聲奏云由吾道士不食五穀帝命推而下之又命點檢百官數奏失所帝遣人以馬鞭擊業頭至于流血皇建二年累為東郡太守以寬惠著名其年夏五宮張凝因出使得麥一莖五穗其餘或三穗四穗共一莖者合郡咸以政化所感因即申上至秋復有東燕縣人送嘉禾一莖九穗河清三年救人間養蠶催買甚切業曰吾既為人父母豈可坐看此急令且權出庫錢貸人取辦後日有罪吾自當之後為憲司所劾被攝之日郡人皆泣而隨之送相弔慰遂業度關者有數百人至黎陽郡兩方得解詠攀援號哭悲動行路詣闕訴冤者非一人數乃放還郡中父老扣河迎接武成親我自洛還郡道由東郡業具牛酒奉人吏拜謁路旁自稱義士臣孟業伏惟聖駕親行有征無戰謹上微禮便與人吏俱唱萬歲身引前入帝大嘉之後除歷平太守年既老理政不如在東郡時

蘇瓊字珍之長樂人也幼時隨父在襄陽高史刺州刺史曹芝戲問曰卿欲官不對曰設官求人非人求官芝異其對著為府卒軍憲文憲以侯以開府引為刑獄參軍每加勉勞并州嘗有盜賊張龍推其事所疑賊徒並已拷伏失物家並識認唯不獲盜賊文襄付瓊更令窮審乃別推得元景融等十餘人并獲贓贖文襄大笑語前妄引賊者曰爾輩若不遇我好參軍幾致枉死除南清河太守郡多盜賊及瓊至盜止息或外境姦非難從界中行遇者無不捉送其隣郡當家將財物寄置界內以避盜吳州縛暴賊人成氏大富為賊攻急告曰我物已寄蘇公矣賊遂去平原郡有祇賊劉黑苟構結徒侶通於滄海瓊所部人連接村居無相染累漸邑於此伏其德績郡中舊賊一百餘人悉充左右人間善惡及長吏使人一五酒無不即知○瓊性清樞不發私書道人道研為濟州沙門佛寶產巨富在郡多出息常得郡縣為徵及欲求竭度知其意每見則諷問玄理研雖為債數采無由啓口其弟子問其故研曰每見府君徑將我入青雲間何由得踰地上事師徒還歸遂焚債券郡人趙領官至梁陵太守年餘八十致仕歸五月中得新瓜一雙自來奉頌恃年老苦請遂便為留乃致於聰事梁上竟不割人聞受趙頌餉瓜故貢新果至門問知類瓜猶在相顧而去有百姓乙普明兄弟爭田積年不斷各相援據乃至百人瓊召普明兄弟對衆人諭之曰天下難得者兄弟易求者田地假令得田地失兄弟心何如因而下淚諸證人莫不洒泣普明兄弟叩頭乞外更思分異十年遂還同住每年春惠集大儒術魏隆田元鳳等講於郡學朝史文案之暇悉令受書時人指史曹為學生屢禁斷淫祠婚嫁喪葬皆教令儉而哀禮又歲月積下綿綿度集於郡內其兵賦次第並立明式至於調役事必先辦郡縣長恒無十杖稽失當時州郡無不遣人至境訪其政術元和中郡界大水人災絕食者千餘家瓊普集郡中有粟家自從貸粟悉以給付飢者州計戶徵租復欲

推其發樂網紀謂瓊曰雖奔飢餒恐罪累府君瓊曰一身獲罪且活千室何所怨乎遂上表陳狀使檢督
免人戶保安此等相撫免子威言府君生汝在郡六年人庶懷之遂無一人經州前後四表列為尤最違
憂解職故人贈遺一無所受尋起為司直廷尉正朝士嗟其屈尚書辛衡曰既直且正名以定體不慮不
申○初瓊任清河太守裴獻伯為濟州刺史獻伯酷於用法瓊恩於養人房延祐為樂陵郡過濟州裴問
其外聲延祐云唯聞太守善刺史惡裴曰得人譽者非至公否云若爾昔霸襲逐君之罪人也後有剽州
各舉清能裴以前言恐為瓊陷瓊申其枉滯議者尚其公平畢義雲為御史中丞以往暴任職理官忌憚
莫敢有違瓊推察務在得情當者甚眾奇譽雲始自於瓊遂三公郎中趙州及清河南中有人頗告謀
欲前後皆付瓊推檢事多申當尚書崔昂謂瓊曰若欲立功名當更思餘理仍數當反逆身命何輕瓊正
色曰所當者冤枉不故反逆昂大慙京師為之語曰斷決無疑為瓊之復為大理卿而齊亡仕周為博陵
太守隋開皇初卒

（論曰為政之道寬猛相濟猶寒暑迭代俱成厥功者也然存夫爾久必積寬乎大則致嚴履之微小則
有寬有之惠故詩曰雖無德與汝云歌且舞張膺等皆有寬仁之心至誠待物化行所屬愛結人心故
得所去見思所居而化詩所謂愷悌君子人之父母豈徒然哉

酷吏傳

夫為國之體有四焉一曰仁義二曰禮制三曰法令四曰刑罰仁義禮制教之本也法令刑罰教之本也
無本不立無末不成然教化遠而刑罰近可以助化而不可以專行可以立威而不可以常用老子曰其
政察察其人缺缺又曰法令滋章盜賊多有禁則令之煩苛吏之嚴酷不可教化百世可知考監前載有
時而用之矣昔秦任獄吏儲衣滿道漢革其風務任過正禁細疎問差漏吞舟故大姦巨猾犯難悔罪耶

却謂成之倫猛氣奮發擁位凶邪一切以故時弊雖乖教義或有所取焉于洛侯之徒前舊編之皓史或因餘緒或以微功適遇時來忝竊高位肆其凶性多行無禮君子小人咸罹其毒凡所莅職莫不慄然居其下者視之如蛇虺過其境者逃之如寇讎與人之恩心非好善如人之罪事非疾惡其所留辱多在無辜繁其所為豺狼之不若也其禁彘除猾殆與郵寄之倫異乎君子賤之故編於皓史○魏有于洛侯胡泥李洪之高道張叔提羊祉崔暹鄒道元谷楷齊有邱珍宋游道盧斐龔義雲周書不立此篇隋書有庫狄士文趙仲卿崔弘度各從其家傳其餘並列於此云

于洛侯

于洛侯代人也為秦州刺史貧酷安忍部人富強奪人呂醬脛一具洛侯輒鞭富強一百截其右腕百姓王隴客刺殺之而洛侯磔其手足命特絕始斬其首支解四體分懸道路見者無不傷楚數得百姓王元壽等一時反叛有司糾勅李之詔使者於州常刑人處宣告兵人然後斬洛侯以謝百姓

李洪之

李洪之本名文通恒農人也為河內太守河內北連上黨南接武牢地險人悍數為劫害長吏不能禁洪之至郡嚴設科防募斬賊者使加重賞勸勸務本盜賊止息誅錮戎蠻遇為皓處後為懷州刺史封汲郡公徵拜內都大官河內羌胡頽部落反蓋獻之親征命洪之與侍中東郡王陸定總統諸軍與賀正并州詔洪之為河西都將討山胡皆保險拒戰洪之築壘於石樓南白鷄原以對之時諸將悉欲進攻洪之乃開以大信聽其復業胡人遂降獻文嘉之遷拜尚書外都大官○後為使持節安南將軍秦益二州刺史至任設禁姦之制有帶刃行者罪與劫同輕重品格各有條章於是大憲州中豪傑長老示之法制乃復

睿遣時分部覆諸要路有犯禁者輒捉送州宣告決其中枉見殺害者至有百數赤龍潭即堯深居山谷雖相編縻王人罕到洪之芟山為道廣十餘步示以軍行之勢乃與軍臨其境山人驚駭洪之特數十騎至其里間撫其妻子問所疾苦因資遺之粟甚喜悅未編謀訓所入十部於常洪之善御戎夷頗有威惠而利害之聲聞於朝野洪之素非廉清每有受納時奉之始建稔制法禁嚴峻遂鎮洪之赴京親臨太華庭集羣臣數之以其大臣聽在家自裁洪之志性慷慨多所堪忍接賓不報及臨盡沐浴衣冠防卒扶持出入遍巡家庭如是再三泣數良久乃飲藥

崔進

崔進字元欽性猛酷少仁怒恣稍好利能事勢家初以秀才累遷南兗州刺史盜用官帑贓污狼籍為御史中尉李平所糾免官後行豫事壽即真坐遺子析戶分隸三縣廣占田宅藏匿官奴障蔽贓盜公私為御史中尉王顯所彈免官後累遷瀋州刺史貪暴安思人庶患之嘗出徐州北單騎至人村有汲水婦人進令飲馬因問曰崔瀋州何如婦人不知是進答曰百姓何罪得如此病兒刺史進默然而去以不稱職被解還京

隱逸傳

蓋兼清獨善顯晦之殊其事不同由來久矣昔堯齊後全於周武華高不容於太公何哉求其心者許以激貧之用贊其迹者矯以教義之風而肥遯不歸代有其人矣故易稱遯世無悶不事王侯詩云皎皎白駒在彼空谷禮云儒有上不臣天子下不事諸侯語曰舉逸民天下之人歸心焉雖出處殊塗語效異用各言其志皆君子之道也洪崖兆其始箕山扇其風七人作乎周年四皓光乎漢日魏晉以降其流愈廣其大者則輕天下細萬物其小者則安苦節甘賤貧或與世同塵隨波濶以俱逝或違時矯俗望江湖而

獨往狎玩魚鳥左右琴書拾遺粒而纖落毛飲石泉而於松栢放情宇宙之外自足懷抱之中然皆欣欣於獨善汲汲於兼濟其情得喪忘懷累有比夫道德弘道匡俗庇人可得而小不可得而忽也而受命哲王守文令主莫不束帛交馳蒲輪結轅奔走巖谷唯恐不逮者何哉以其道雖未弘志不可奪縱無母璋之功終有堅貞之操足以立懦夫之志息貪競之風與苟待之徒不可同年共日所謂無用以為用無為而無不為也○自叔世澆淳淳風殆盡雖刀之末斲入成羣而能實心物表介然雜俗望古獨過求友于齡亦異人矣何必御霞乘雲而追日月窮極天地始為超邁哉葉魏書列睦夸馮李謙鄭脩為逸士傳陳書列李士謙崔廓廓子曠徐則張文訓為隱逸傳今以李謙士謙附其家傳並編附此篇以備逸傳云

睦夸

睦夸趙郡高邑人也少有大度不拘小節耽好書傳未嘗以世務經心好飲酒浩然物表高尚不仕奇情丘壑同郡李順願與之交夸拒而不許邦國少長莫不憚之少與崔浩為莫逆之交浩為司徒奏徵為中郎辭疾不赴州郡逼遣不得已入京都與浩相見經留數日唯飲酒談叙平生不及世利浩每欲論屈之竟不能發言其見敬憚如此浩後遂授詔書於夸懷亦不開口夸曰桃簡卿已為司徒何足以此勞國士也吾便將別桃簡浩小名浩慮夸即還時乘一騾更無兼騎乃以夸騾內之廐中冀相維繫夸遂託鄉人輸租者認為御車乃得出關浩知而歎曰睦夸獨行士本不應以小職辱之又使其人杖策復路吾當何辭以謝也時朝法甚峻夸既私還將有私歸之咎浩仍相左右始得無坐經年遂夸本騾兼遣以所乘馬為書謝之夸更不受其騾馬亦不復書及浩沒為之素服受鄉人吊唁經一時乃止數日崔公既死誰能更容睦夸婦父鉅鹿魏攀當時名達士之末嘗備婿之禮情同朋好或人謂夸曰吾聞有大才者必居貴仕子何獨在桑榆乎遂著知命論以釋之

馮亮

馮亮字靈通南陽人梁平北將軍蔡道恭之甥也少博覽諸書又其好佛理隨道恭至義陽會中山王英平義陽獲烏英素聞其名以禮待接亮性情靜後隱居嵩山感恩之德以時展覲靈武嘗召以為羽林監領中書舍人將令侍講十地諸經固辭不許又欲使衣贖入見苦求以幅巾就朝遂不强逼亮既雅愛山水又兼工思結架巖林甚得栖遊之適頗以此聞宣武給其工力令與沙門統僧暹河南尹甄深等同視嵩山形勝之處遂造閣居佛寺林泉既奇營製又美曲盡山水之妙啐

東萊先生北史詳節卷之八

藝術傳

夫陰陽所以正時日順氣序者也卜筮所以決嫌疑定猶豫者也醫巫所以禦妖邪養性命者也音律所以和人神節哀樂者也相術所以辯貴賤明分理者也技巧所以利器用濟艱難者也此皆聖人無心因人設教救恤災患禁止淫邪自三五哲王其所由來久矣○昔之言陰陽者則有箕子律憲梓慎子韋曉音律者則有師曠師曠牙杜夔叔卜筮者則有史扁史蘇嚴君平司馬季主論相術則內史叔服姑布子卿唐舉許負語醫巫則文季扁鵲季威華佗其巧思則奚仲墨翟張平子馬德衡凡此諸君莫不探靈入妙理洞精微或弘道以濟時或隱身以利物深不可測固無得而稱矣近古涉乎斯術者鮮有存夫貞一多肆其淫僻厚誣天道或變亂陰陽曲成君欲或假託神怪焚惑人心遂令時俗耽耽不獲返其真性身罹火毒莫得壽終而死誓成而下意在茲乎庶幾經史百家之言無不存夫藝術或叙其玄妙或記其迂誕非徒用廣其聞將以明乎勸戒是以後來作者咸相祖述○自魏至隋年移四代至於遊心藝術亦為多矣在魏則叙是索張深殷紹王早耿玄劉靈助江式周濬李儵徐審王顯崔或將少游以為術藝傳在齊則有由吾道榮王春信都芳宋景業許遵吳遵世趙輔和皇甫玉解法選魏寧秦母懷文張子信馬嗣明為方位傳在周則有冀儻將昇姚僧坦黎景熙趙文深褚徽強練以為藝術傳在隋則有庾季才盧太翼耿詢鞏鼎承和蕭吉張胃玄許智威萬寶常為藝術傳今檢江式崔或冀高黎景熙趙文深谷編別傳又檢得沙門靈遠李順興檀特師并以陸法和徐之才何稠附此篇以備術藝傳前代著述皆混而書之但道苟不同則其流異今各固其事以類區分先載天文藝術次載醫方伎巧云

信都芳

信都芳字玉琳河間人少明算術兼有巧思每精心研究或墜坑坎嘗語人云算歷空妙機巧精微我每一沉思不聞雷霆之聲也其用心如此後為安豐王延明召入賓館有江南人祖暅者先於邊境隳堙在延明家延明算歷而不為王所待芳諫王禮遇之暅後還留諸法授芳田由是彌復精密丞相嘗召祖暅謂芳曰律管吹灰術甚微妙絕未既久吾思所不至卿試思之芳留意十數日便報暅云吾得之矣然終須河內薛季昶祖對試之無驗後得河內反用術應即便飛餘灰即不動也為時所重竟不行用故此法遂絕又著樂書遁甲經四術周髀宗其序曰漢成帝時學者問益天楊雄曰蓋哉未幾也問渾天曰落下闔為之鮮于婁人度之耿中丞象之幾乎莫之息矣此言蓋差而渾密也蓋器測影而造用之日久不同於祖故云未幾也渾器量天而作乾坤大象隱見難覺故云幾乎是時太史令尹咸窮研尋蓋古易周法雄乃見之以為難也自昔周公定影王城至漢朝蓋器一改焉渾天覆觀以虛憲為文蓋天仰觀以周髀為法覆仰雖殊大歸是一古之人制者所表天効玄象芳以渾算精微術機萬首故約本為之省要凡述二篇合六法名四術周髀宗又上黨李業興撰新曆自以為長於趙歐何承天祖冲之三象芳雜業與五闕又私撰曆書名曰靈憲曆算月頻大頻小食必以朔證據甚顯明每云何天承亦為此法而不能精靈憲若成必當百代無異議者書未成卒

蔡母懷文

蔡母懷文以道術事齊神武武定初齊軍戰芒山時齊軍旗幟盡赤西軍盡黑懷文曰赤火色黑水色水能滅火不宜以赤對黑土勝水宜改為黃神武遂改為黃所請河陽幡者也懷文造指儀刀其法燒生鐵精以重子鋸數宿則成剛以柔鐵為刀脊浴以五牲之弱淬以五牲之脂新甲過三十札今真國治家所鑄宿柔鋸是其遺法作刀獨其快利但不能頓截三十札也懷文又云廣平郡南幹子城是干將鑄劍

處其土可鑿刀每云昔在晉陽為監館館中有一螭蟠客同館明沙門指語懷文云此人別有異算術仍指庭中一棗樹云令其布算子即知其實數乃試之并辨若干純亦若干亦白相半於是剝數之唯少一子算者曰必不少但更撤之果落一實懷文位信州刺史

陸法和

陸法和隱於江陵百里洲衣食居處一與戒行沙門同書老自幼見之容色常定人莫能測也或謂出自嵩高過遊遐通既入荊州汶陽郡高要縣之紫石山無故捨所居山俄有蠻賊之亂時人以為損其萌兆及侯景始告降於梁法和謂南齊末元英曰貧道共檀越擊侯景去元英曰侯景為國立勳師云擊之何也和曰正自如此及景度江法和時在青谿山元英往問曰景今圍城其事云何法和曰凡人取果宜待熟時問園之曰亦尅亦不尅景遂將任約擊梁湘東主於江陵法和乃詣湘東乞征約召諸蠻弟子八百人在江津二日便發湘東遣胡僧祐領千餘人與同行法和登艦大笑曰無量兵馬江陵多神祠人俗恆所祈禱自法和軍出無復一驗人以為神皆從行故也至赤沙湖與約相對法和乘輕船不介冑沿流而下約軍一里乃寢謂將士曰聊觀波龍睡不動吾軍之龍甚自踊躍即攻之若得彼明日當不損客主一人而破賊然有惡慮遂縱火船而逆風不使法和執白羽扇度風風即返約眾皆見梁兵步於水上於是大潰皆投水的悲亂不知所之法和曰明日午時當得及期而未得人問之法和曰吾前於此洲水乾時建一刹諸檀越等此雖為割實是賊標今何不向標下求賊也如其言果於水中見約抱刺頭顛取出莫遂禽之約言求就師目前死法和曰檀越有泪必不兵死且於王無緣決無他慮王於後當得檀越力耳湘東王果釋用為郡守及魏圍江陵約以兵赴救力戰焉法和既平約往進見王僧辯於巴陵謂曰貧道已却侯景一臂其更何能為檀越宜即逐取乃請還湘東王曰侯景自然乎矣無足可慮蜀賊將至

法和請守巫峽待之乃總諸軍而往觀蓮石以填江三日水遂不流橫之以鐵鎖武陵王紀果遣蜀兵永
度峽口勢蹙進退不可王琳與法和經略一戰而殄之軍次白帝謂人曰諸葛孔明可謂為名將吾自見
之此城旁有其埋弩箭鏃一斛許因揮表令掘之如其言又嘗至襄陽城北大樹下畫地方二尺令弟子
掘之得一龜長尺半以杖叩之曰汝欲出不能得已數百歲不達我者豈見天日子乎為授三歸龜乃入草
○初入疊山多惡疾人法和為采藥療之不過三服皆差即求為弟子山中多毒蟲猛獸法和授其禁戒
不復噬螫所泊江湖必於峯側結表云此處放生漁者皆無所得才或少獲輒有大風雷駭人懼而放之
風雨乃定脫雖將兵猶禁諸軍漁捕有竊違者中夜猛獸必未欲噬之或亡其船縱讓元帝以法和為都
督郢州刺史封江乘縣公法和稱臣其啓文朱印名上自稱居士後稱司徒梁元帝謂其僕射王褒曰
我未嘗有意用陸為三公而其自稱何也褒曰彼既以道術自命容是先知梁元以法和功業稍重遂封
加司徒都督刺史如故部曲數千人通呼為弟子唯以道術為化不以法獄加人又列肆之所不立市丞
牧佐之法無人領受但以空樓會在道間上開一孔以受錢賣客店人隨貨多小計其估限自妻樓中所
掌之司夕方開取錢其孔自輸之於庫又法和平常言若不出口時有所論則雄辯無敵然猶帶靈音善
為交戰身在江夏大聚兵艦欲進襄陽而入武關梁元帝使止之法和曰法和是求佛之人尚不希釋梵
天王坐處豈親王位但於空王佛所與主上有香火因緣見主上應有報至故救護耳今既被疑是業定
不可改也於是設供食具大餽薄餅及魏琴兵法和自郢入漢口將赴江陵梁元帝使人逆之曰此自能
破賊師但鎮郢州不須動也法和乃還州壘其城門著纓白布衫袴布巾大繩束腰坐葦席終日乃脫
之及聞梁元敗滅復取前凶服著之哭泣受弔梁人入魏果見鮪餅焉○法和始於百里洲造壽王寺既
梁佛殿史載梁柱曰復四十許年佛法當遭雷電此寺幽僻可以免難及魏平荆州宮室焚燬總管欲發

取壽王佛殿嫌其村短乃停後周氏滅佛法此寺隔在陳境故不及難天保六年春清河王岳進軍臨江法和舉州入齊文宣以法和為大都督十州諸軍事大尉公西南大都督五州諸軍事荊州刺史安湘郡公宋位為郢州刺史官爵如故侄弟暹為散騎常侍儀同三司湘州刺史義興縣公梁將侯瑱來造江夏齊軍棄城而退法和與宋侄兄弟入朝文宣聞其有奇術虛心想見之備三公鹵簿於城南十二里供帳以待之法和至於館明日引見給通轎油絡網車仗身百人詣闕通名不稱官爵不稱臣但云荆山居士文宣宴法和徒屬於昭陽殿賜法和錢百萬物段萬甲第一區田一百頃奴婢二百人生資什物稱是宋侄千段其餘儀同刺史以下各有差法和所得奴婢盡免之曰各隨緣去錢帛散施一日便盡以官所賜宅營佛寺自居一房與凡人無異三年間再為大尉世猶謂之居士無疾而告弟子死期至時燒香禮拜坐繩床而終文宣令開棺而視之空棺而已法和書其所居屋壁而蓋之及剝落有文曰十年天子為尚可百日天子急如火周年天子急代坐又曰一母生三天兩天共五年說者以為婁太后生三天子自孝昭即位至武成傳位後主共五年焉

蔣昇

蔣昇字鳳起楚國平河人少好天文玄象之學周文雅信待之大統三年東魏竇泰領軍潼關周文出師馬牧澤時西南有黃紫氣抱日從未至酉周文謂昇曰此何祥也昇曰西南未地土土王四季泰分令大軍既出喜氣下臨必有大慶於是與泰戰禽之自後遂降河東寇弘農破沙苑由此愈被親禮○九年高仲密以北豫州來附周文欲遣兵援之昇曰春王在東熒惑又在井鬼分行軍非使周文不從軍至芒山不利而還賀瑗勝怒曰蔣昇罪合萬死周文曰蔣昇固諫曰師出不利此賊也孤自取之

庚季才

庾季才字叔奕，新野人也。幼穎悟，八歲誦尚書十二通，易好占。父象，梁相東王繹引授外兵參軍。西臺建，累遷中書郎領大史封宜昌縣伯。季才固辭，太史梁元帝曰：「漢司馬遷歷世居掌璽，高堂隆猶領此職，卿何憚焉？」帝亦頗明，星歷謂曰：「朕猶慮禍起蕭牆，季才曰：『秦將入郢，陛下且留重臣作鎮荆陝，遷都避其患，帝初然之。後與宗慄等議乃止。』」依而江陵覆滅，周文帝一見深加禮，令參掌太史。曰：「卿宜盡故事，孤當以富貴相答。」初，荆州覆亡，衣冠士人多沒為賤。季才散所賜物，購求親故。周文問：「何能若此？」季才曰：「郢都覆敗，君信有罪，搢紳何咎？皆為賤隸，竊寔之故，贖購耳。」周文乃悟曰：「微君，連失天下之望，固出令免，梁俘為奴，婢者數千口，後宇文護執政，問以天道，徵祥對曰：『頃上台有變，不利宰輔，公宜歸政。』」天子請老，私門護沉吟久之，曰：「吾本意如此，但辭未護自是漸疎，及護夷滅，閱其書，記有假託行命，妄造異端者，皆誅，唯得季才兩紙，盛言緯候，宜免政歸權，帝謂少宗伯斛斯微曰：『季才甚得人君之禮，因賜粟帛。』」及隋文帝為丞相，嘗夜召問天時人事，季才曰：「天道精微，難可悉察，竊以人事卜之，符兆已定。」季才默言不可，公得為箕穎事，于帝默然久之，曰：「吾今學騎武，誠不得下矣。」因賜以綵帛，曰：「愧公此意，開皇元年授通直散騎常侍，帝將還都，夜與高顯、蘇威二人定議，季才旦奏，臣仰觀玄象，俯察圖記，竊兆允襲，必有遷都，且漢營此城，經令將八百歲，水皆鹹鹵，不甚宜人，願為遷徙。」帝愕然，謂顯等曰：「是何神也？」遂發詔，施行。賜季才絹布，及進府為公，謂曰：「朕自今以後，信有天道，時議以季才術藝精通，有詔遷委，舊任以年，少煩求去職，優旨每不許，曾張胃玄，歷行及表，充言曰：『景長上以問季才，因言充終上大怒，由是免職，給半程歸第。』」所有祥異，帝令人就家訪焉。季才局量寬宏，術業優博，篤於信義，志好賓遊，常吉日良辰，與琅邪王褒、彭城劉毅、河東裴政及宗人信等為文酒之會，次有劉臻、明克讓、柳誓之徒，雖後進亦申遊，數撰畫堂，社苑一百二十卷，善家志一百四十二卷，地形志八十七卷，並行於世。

楊伯醜

楊伯醜馮翊人也好讀易隱於華山隋開皇初徵入朝見公卿不為禮無貴賤皆汝之人不能測也文帝召與語竟無所答賜衣服至朝堂捨之而去於是被髮佯狂遊行市里形體垢穢未嘗沐浴時有汝水樂者賣卜京師伯醜每從之遊永樂為卦有不能決者伯醜輒為分析爻象尋幽入微永樂嘆服自以為非所及也伯醜亦爾肆賣卜有人當失子就伯醜筮者卦成伯醜曰汝子在懷遠坊南門東道北壁上角青簪女子抱之可往取也如言果得或有金數兩夫妻共藏之於代失金其夫意要有異志將逐之其妻稱寃以詣伯醜伯醜為之筮曰金在矣悉呼其家人指一人曰可就取果得之又將軍許知常問吉凶伯醜曰汝勿東北行必不得已速還不然者楊素斬汝頭未幾上令知常事漢王諒俄而上崩諒舉兵反知常逃歸京師知常先與楊素有隙及素平并州先訪知常將斬之賴此獲免又有人失馬來詣伯醜卜者時伯醜為皇太子所召在蓬蓬之立為作卦卦成曰我不違為卿說且向西市東鮮門南第三店為我買魚作贈當得馬矣其人如教須臾有一人牽所失馬而至遂舍之○廣州甯獻徑寸珠其使者陰易之上心疑焉召伯醜令筮伯醜曰有物出自水中篋圓而色光是大珠也今為人所隱其言隱者姓名容狀上如言簿者之果得本珠上奇上賜帛二十匹國子祭酒何妥嘗詰之論易聞妥之言慘澹而笑曰何用鄭玄玉璣之言乎久之徵有群答所說辭義皆異先儒之旨而思理玄妙故論者以為天然獨得非常人所及也竟以壽終

張胄玄

張胄玄勃海人也博學多通尤精術數其州刺史趙襲薦之隋文帝徵授散騎尉直太史參議律曆事時華多出其下由是太史令劉暉等甚忌之然胄言多不中胄玄所推步甚精尚上異之令楊素與術士數

人立議六十一事皆舊法久難通者令碑與實主等辨析之碑杜口一無所答實主通者五十四馬由是
擢拜黃外散騎侍郎兼太史令暉及實與八人皆斥逐之○改定新歷言前歷差一日顏敏楚上言曰漢
時落下閏設顛頊歷作太初歷云復當差一日八百年當有聖者定之討今相去七百一十年術者舉其
成數聖者之謂其在今乎上大悅漸見親用實主所謂歷法與古不同者三事其一宋祖冲之於歲周之
末創設差分久至漸移不循舊軌每四十六年却差一度至梁虞翻歷法嫌冲之所差太多因以一百八
十六年及至移一度實主以此二術年限懸隔違檢古注所失極多遂行中兩家以為度法冬至所宿歲
別漸移八十三年却行一度則上合乾時日永星火次符漢歷宿起牛初明其前後並皆容當其三周馬
顯造丙寅元歷有陰陽轉法加減章分進退蝕餘乃推定日創開此樓當時術者多不能曉張賓因而用
之莫能考正實主以為加時先後運氣參差就月為斷於理未可乃因二十四氣列其盈縮所出實由日
行遲則月逐日易及令合朔如時早日行速則月逐日少遲令合朔如時晚檢前代加時早晚以為損益
之率日行自秋分已後至春分其勢速計一百八十二日而行一百八十度自春分已後至秋分日行遲
計二百八十二日而行一百七十六度每氣之下即其率也其三自古諸歷朔望連交不問內外入限便
蝕張賓立法創其外限應蝕不蝕猶未能明實主以日行黃道歲一周天月行月道二十七日日有餘一周
天月道交絡黃道每行黃道內十三日有奇而出又行道外十三日有奇而入終而復始經月黃道謂之
交朔望去交前後各五度以下即為當蝕若月行內道則在黃道之北蝕多有餘月行外道在黃道之南
也雖遇正交無由掩映蝕多不驗遂因前法別立定限隨交遠近運氣差損益蝕分事皆明皆○其趨
古獨異者有七事其二古曆五星行度皆守恒率見伏盈縮悉無格準實主候之各得真率合見之數與
古不同其差多者至加減三十許日即如變惑平見在雨水氣即均加二十九日見在小雪氣則均減二

十五日加減平見以為定見諸星各有盈縮之數皆如此例但差數不同特其積候所知時人不能原其
 實其二辰星舊率一終再見凡諸古歷皆以為然應見不見人未能測實玄積候知辰星一終之中有時
 一見及同類感召相隨而出即如辰星早晨見在雨水者應見即不見若早晨見在昏曉者去日十八度
 外三十六度內晨有木火土金一星者亦相隱見其三古歷步術行有定限自見已後依率而推進退之
 期莫知多少胃玄積候知五星遲速留退真數皆與古法不同者差八十餘日留回所在亦差八十餘
 度即如憂惑前初見在立冬初則二百五十日行一百七十七度定見夏至初則一百七十日行九十二
 度遲步天驗今古皆密其四古歷食分依平即用推驗多少實數罕符胃玄積候知月從木火土金四星
 行有向背月向四星即連背之則遲皆十五度外及循本率遂於交分限其多少其五古歷加時朔望同
 術曾玄積候知日蝕所在隨方改變傍正高下每處不同交有涉遲速亦異約時立差皆會天象其六
 古歷交分即為蝕數去交十四度者食一分去交十三度食二分去交十度食三分每近一度食益一分
 當交即蝕既其應多少自古諸歷未悉其原胃玄積候當交之中月掩日不能畢盡故其蝕反少去交五
 六時月在日內掩日便盡故其蝕乃既自此以後更遠者其蝕又少交之前後在冬至皆爾若近夏至其
 率又差胃玄所立蝕分最為詳密其七古歷二分晝夜皆等胃玄積候知其有差春秋二分晝多夜漏半
 刻皆由日行遲疾盈縮使其然也○凡此胃玄獨得於心論者服其精密

許智叔

許智叔高陽人少以醫術自達隨文帝以為員外散騎侍郎使詣揚州會秦王俊有疾上馳召之俊夜夢
 其亡妃崔氏泣曰本來相理如聞許智叔將至其人若到當必相苦為之奈何明夜俊又夢崔氏曰自得
 許智叔入靈府中以避之及智叔至為俊診脈曰疾已入心即當斃不可救也果如言俊數日而薨上

奇其妙音物百段

萬寶常

萬寶常不知何許人配為梁戶妙達鍾律造工八音與人方食論及聲調時無樂器寶常因取前會器及雜物以著扣之品其高下宮商畢備諧於絲竹大為時人所賞然歷周隋俱不得調開皇初鄭譯等定樂初為黃鍾調寶常雖為伶人譯等每召與議然言多不用後譯樂成奏之上召寶常問其可不寶常曰此亡國之音豈陛下所宜聞上不悅寶常因極言樂聲哀怨播放非雅正之音請以水尺為律以調樂器其聲準下鄭譯調二律并撰樂譜六十四卷且論八音旋相為宮法改絃移柱之變為八十四調一百四十二律變化終於一千八百聲時以周禮有旋宮之義自漢已來知音不能通見寶常特創其事皆兩之至是誠令為之應手成曲無凝滯見者莫不差異於是損益樂器不可勝紀其聲雅淡不為時人所好大常善擊者多排毀之○太子洗馬蘇夔以鍾律自命尤忘寶常夔父厥方用事凡言樂者附之而短寶常數詣公卿怨望夔夔因詰寶常所為何所傳受有一沙門謂寶常曰上雅好符瑞有言徵祥者上皆悅之先生當言從胡僧受學云是佛家菩薩所傳音律則上必悅先生所為可以行矣寶常遂如其言以答厥夔怒曰胡僧所傳乃四夷之樂非中國宜行其事竟寢寶常聽大常所奏樂泣然泣曰樂聲淫厲而哀天下不久將盡時四海全盛聞言者皆謂不然大業之末其言卒驗○開皇中鄭譯何妥盧夔蘇夔論吉並討論增籍撰著樂書皆為當時所用至於天然識樂不及寶常遠矣安馬駒曹妙達王長通郭令樂等能造曲為一時之妙又習鄭聲而寶常所為皆歸於雅此輩雖公議不附寶常然皆心服謂以為神

論曰陰陽卜祝之事聖哲之教存焉雖不可以專亦不可得兩廢也何於是者不能無非厚於利者必有其害詩書禮樂所失也浸故先王重其德方術技巧所失也深故往哲輕其藝夫能通方術而不說

於俗習伎巧而必蹈於禮者幾于大雅君子故昔之通賢所以戒乎妾作媿崇等皆魏來街藝士也觀其占候卜筮推步盈虛通幽洞微近知鬼神之情狀其間有不涉用於道矣而究人事之吉凶如輿興禮持之徒法和強練之軍時別稟數術詎可以知識知及江陵失守前巧盡棄遠吳無路入周不可因歸事齊厚蒙榮遇雖竊之以叨濫而守之以清虛生靈所資嗜欲咸違斯亦得道家之致矣信都方所明解者乃是經國之用乎周潛季脩徐奉客兄孫之才玉顯馬嗣明姚偁坦諸該許智藏方樂持妹各一時之美也而偁坦於侯精當名冠一代其所全濟國亦多焉而弘茲義方皆為令器故能享壽康好壽老聃云天道無親常與善人於是信矣許氏之運針石百數可稱費常聲律之奇足以追蹤牙曠各一時之妙也將何以剗剗見知沒其學惠藝成爲下其近是乎周時有樂茂雅以陰陽類史元華以相術稱並所聞也

列女傳

善婦人之德雖在於溫柔立節垂名咸資於貞烈溫柔仁之本也貞烈義之資也非溫柔無以成其仁非貞烈無以顯其義是以詩書所記風俗所存國豈丹青流聲竹素莫不守約以居正履身以成仁者也若文伯王陵之母白公紀殖之妻魯之義姑梁之高行衛君靈王之妻夏侯文子之女或抱信以會真或蹈忠而踐義不以存亡易心不以盛衰改節其佳名彰於既沒德音傳於不朽不亦休乎○或有王公大人之妃偶肆情於淫僻之俗雖衣文衣食珍膳坐金屋乘玉輦不入彤管之書不露青史之筆將草木以俱落與麋鹿而同死者可勝道哉永言載思寔庶炬之恥也魏隋二書並有烈女傳喬周無此篇今又得武功孫道溫妻趙氏河北孫神妻陳氏附魏隋二傳以備烈女篇云

房愛親妻佳氏

清河房愛親妻崔氏者同郡崔元孫之女也性嚴明有高節歷覽書傳多所聞知親授子景伯景光九經
義學行修明並當世名士景伯為清河太守每有疑獄常先請烏貝丘人列子不孝吏欲案之景伯為之
悲傷入白其母母曰吾聞名不如見面小人未見禮教何足責哉但呼其母來吾與之同居其子置汝左
右令其見汝事吾或應自改景伯遂召其母崔氏處之於榻與之共食景伯為之溫清其子侍立堂下未
及旬日悔過求還崔氏曰此雖顏慚未知心愧且可置之凡經二十餘日其子叩頭流血其母涕泣乞還
然後聽之終以孝聞其謙度勸物如此竟以壽終

鄭善果母崔氏

鄭善果母崔氏者清河人也年十三通蒙陽鄭城生善果周末誠討討遲迺力戰死于陣母年二十而寡
父彥賤欲奪其志母抱善果曰婦人無稱再適之義且鄭君雖死幸有此兒棄兒為不忠背夫死為無禮
寧當割耳剪髮以明素心遭禮滅慈非敢聞命○善果以父死王事年數歲拜使持節大將軍兼開封
縣公開皇初進封武德郡公年十四授沂州刺史轉景州刺史尋為魯郡太守母性賢明有節操博涉書
史通曉政事每善果出聽事母輒坐胡牀於郭後察之聞其判斷合理歸則大悅即賜之坐相對談笑若
行事不允或妄嗔怒母乃還堂蒙袂而泣終日不食善果伏於牀前不敢起母方起謂之曰吾非怒汝乃
愧汝家耳吾為汝家婦復奉灑掃知汝先君忠勤之士也守官清恪未嘗問私以身徇國繼之以死吾亦
望汝副其此心汝既年小而孤吾寡婦耳有慈無威使汝不知禮訓何可負倚忠臣之業乎汝自童子夔
茅土汝今位至方岳豈汝身致之邪不思此事而妄加嗔怒心緣驕樂墮於公政內則墜爾家風或失亡
官爵外則虧天下法以取罪戾吾死日何面目見汝先人於地下乎母恒自紡績每自夜分而寤善果曰
免封侯開國位居三品秩俸幸足母何自勤如此答曰吁吾謂汝知天下理今聞此言公事何由清乎今

秩俸乃天子報汝先人殉命也當散聘六姻為先君之惠妻子奈何獨擅其利以為貴乎文綜集紡績婦人之務上自王公下及大夫士妻各有所製若墮業者是為驕逸吾雖不知禮其可自敗名乎自初寡使不御脂粉常服大練性又節儉非祭祀賓客之事酒肉不妄陳其前靜室端居未嘗輒出門閤內外姻戚有吉凶事但厚如贈遺皆不詣其門非自作及莊園稼穡所得雖親族禮遺悉不許入門善果歷任州郡內自出饒於衙中食之公解所供皆不許受悉用修理公宇及分僚佐善果亦由此克己號為清吏賜帝遣御史大夫張衡勞之考為天下最微授光祿卿其母卒後善果為大理卿漸驕恣公清平允遂不如嗜者焉

論曰婦人主織紉中饋之事其德以柔順為先斯乃舉其中庸未錄其極者也至於明謙遠國貞心峻節志不可奪唯義所高考之圖史亦何代而無之哉魏隋所叙烈女凡三十四人蓋有實邇寒松心踰匪石或忠壯誠懇或文采可稱雖子政集之於前元凱編之於後比其美節亦何以尚茲故知蘭王芳貞益乃稟其性矣

僭偽附庸傳

晉自永嘉之亂寓縣瓜分胡羯憑陵積有年代各言膺運咸居大寶竟而自相吞滅終為魏臣然魏自昭成已前王迹未顯至如劉石之徒時代不接舊書為傳編之四夷有欺耳目無益細素且于時五馬浮江正朔未改陽秋記注具存紀錄雖朝政叢睦而年代已多太宗文皇帝爰勅天文大夫存判勒其時事相接已編之載記今斷自道武已來所吞併者序其行事紀其滅亡其餘不相關涉皆所不取至如晉宋齊梁雖曰偏據年漸三百原命相承魏書命曰島夷列之於傳亦所不取故不入今篇蕭登雖云帝號附庸周室故從此編次為僭偽附庸傳云爾

鐵弗則武南單于苗裔居於新興虎意之北北人謂胡父為鮮卑母為鐵弗因以號為姓武文詰汁養世
領部落汁養死武代馬武死子務桓代領部落與魏和通務桓死弟衛辰代立衛辰務桓之第三子也衛
辰滑通符堅後乃背堅專心歸魏舉兵伐堅討禽之遂分國人為二部自河以西屬之衛辰自河以東
屬之劉庫仁衛辰遣子直力鞬寇南部其眾八九萬道武軍五六千人為其所圍帝以車為方營並戰並
前大破之會直力鞬衛辰單騎逃走為其部下所殺衛辰第三子屈丐本名敦拔頡元改其名屈丐北方
言屈丐者卑下也道武末僭稱大夏天王屈丐耻姓鐵弗改遂為赫連氏自云徵赫與天連又號其支庶
為鐵伐氏云族剛銳如鐵皆堪伐人晉將劉裕攻長安屈丐聞而喜曰姚泓豈能拒裕裕必冠之待裕去
後吾取之如拾遺耳於是募馬勵兵休養士卒及劉裕會泓留子義真守長安屈丐伐之大破義真遂傳
皇帝於灊上定都統萬勒銘城南頌其功德以長安為南郡性憍虐視人如草蒸土以築城鐵錐刺入一
寸即殺作人而并築之所造兵器匠呈必死射甲不入即斬弓人如其入便斬鐵匠羣臣忤視者舉其目
笑者決其脣誅者謂之誹謗議廢其子瑋瑋自長安起兵攻屈丐乃遣子太原公昌破瑋殺之太武聞屈
丐死詰子相攻關中大亂於是西伐乃以輕騎一萬八千濟河襲昌時冬至之日昌宴享王師奄到上下
驚擾車駕去其城三十餘里昌乃出戰太武馳往擊之昌退走入城未閉門軍士乘勝入其西宮焚其西
門夜宿城北明日分軍四出徙萬餘家而置昌復遣弟定與司空奚斤相持於長安太武乘虛西伐濟君
子津輕騎三萬倍道兼行羣臣咸諫曰統萬城堅非一日可拔今輕軍討之進不可討退無所資若不若步
軍攻具一時俱往帝曰夫用兵之術攻城最下不得已而用之如其攻具一時俱往賊必懼而堅守若攻
不時拔則食盡兵疲外無所掠非上策也朕以輕騎至其城下彼先聞有步軍步從見騎至必當心開朕

且藏師以誘之若得一戰當之以矣所以然者軍士去家二千里後有黃河之難所謂置之死地而後生也。是以決戰則有餘攻城則不足遂行決于黑水分軍伏於谷而以少眾至其城下高將狀子玉來降說使人追其弟定定曰城堅攻未可攻拔待萬斤等然後徐往內外擊之有何不濟昌以為然太武惡之退軍城北示昌以弱遣永昌王健及娥清等分騎五千西掠居人會軍士負罪亡入昌城官軍糧盡士卒食其糲重在後步兵未至擊之為便昌信其言引眾出城步騎三萬司徒長孫翰等咸言昌步陣難陷宜避其鋒且待步兵一時奮擊帝曰遠來求賊恐其不出今避而不擊彼奮我弱非計也遂收軍偽北引而疲之昌以為退鼓譟而前舒陣為翼行五六里帝衝之賊陣不動帝乃分騎為左右以荷之帝墜馬賊已逼帝勝馬刺殺其尚書斛紱文殺騎賊十餘人流矢中帝帝奮擊不輟昌軍大潰不及入城奔投上郡遂封其城○初屈丐奢好脩宮室城高十仞基厚三十步上廣十步宮牆五仞其堅可以礮刀斧臺榭高大飛閣相連皆雜鏤闌畫被以綺繡飾以丹青窮極文采帝顧謂左右曰曩爾小國而用人如此雖欲不亡其可得乎

燕 慕容氏

徒河慕容廆字奕洛瓊本出昌黎領部落以遼東僻遠遷於徒河之青山廆死子晃嗣自稱燕王昭成納晃女為后是城和龍而都焉晃死子晃嗣既襲位得稱皇帝置百官國號大燕自新遷都於鄴為死弟三子暉嗣購政無綱紀行堅遣將王猛伐鄴會暉封新興侯道武之七年符堅敗於淮南暉叔父垂叛堅攻苻丕於鄴垂字道明晃第五子也甚負寵愛帝自謂諸弟子曰此兒開運好奇終能破人家或能成人家故名垂字道業也邁躡於雋雋弗能平及即王位以垂墜馬傷齒改名為缺外以慕卻缺為名內實惡之尋以讖記之文乃去央以垂為名年十三為偏將所在征伐勇冠三軍雋于中原垂為前鋒累戰有大功

及雋傳尊號封吳王後以車騎大將軍敗桓溫於枋頭威名大震不容於暗而奔符堅堅甚重之拜冠軍將軍封賓都侯堅敗淮而入於垂軍于寶勒垂殺之垂以堅遇之厚也不聽行至洛陽請求拜墓堅許之遂起兵攻苻丕於鄆垂稱燕王置百官盡有幽冀平州之地遣使朝貢三年道武遣九原公儀使於垂垂又遣使朝貢五年又遣秦王觚使於垂垂留觚不遣遂絕行人垂議討慕容永太史令新安言於垂曰舊星經尾箕之分燕當有野死之王不出五年其國必亡歲在鶉火必剋長子長子地名永所據地垂乃心安出而謂人曰此眾既并終不能久安蓋知道武之興也而不敢言垂議征長子諸將咸諫以永國未有繫請他年垂將從之垂弟司徒范陽王德固勸垂垂曰司徒議與吾同且吾投老叩囊底智足以剋之不復留逆賊以累子孫乃伐永剋之十年垂遣其太子寶來冠始寶之來垂已有疾自到五原道武斷其行路父子問絕帝乃詭其行人之辭臨河告之曰汝父已死何不遣還寶兄弟聞之憂怖以為信然於是士卒驟動十月寶燒船夜遁時河水未成寶謂帝不能度不設斥候十一月天暴風寒永合帝進軍度河急追之至參合陂西新安言於寶曰今日西北風動是軍將至之應宜兼行速去不然必危其夜帝部分眾軍東西為犄角之勢約勒士卒束馬口銜枚無聲昧爽眾軍齊進日出登山下臨其營寶以將來引願見軍至遂驚按帝縱騎騰蹕有馬者蹶倒水上寶及諸父兄單馬進散僅以身免寶軍四五萬人一時放杖斂手就羈禽其王公文武數千垂復欲來寇太史曰太白夕沒西方數日後見東方此為蹕兵先舉者亡垂不從於山開道至寶前敗所見穢穢如丘設祭弔之死者父兄子弟遂皆嗥哭聲震山川垂慙忿噫血發病而遷死於上谷寶偕立寶字道裕垂之第四子也少輕果無志操好人任己為太子砥厲自修垂妻段氏謂垂曰寶姿質雍容而不斷承平則為仁明之主處難則非濟世之雄今託以大業未見克昌之美而王儲者詐負氣常有輕寶之心恐難作垂不納寶聞深以為恨○皇始元年道武南伐及剋信都

賈大懼夜來犯營帝擊破之賈走中山至龍城垂勇蘭汗拒之賈南走奔前汗復遣賈賈以汗妻之季勇子盛又汗之婿也必謂無二乃還龍城汗殺之見少子德字玄明雅為兄妻所重待堅意賈以德為張掖太守妻僭號封范陽王位司徒賈即位以德鎮郡大丞相賈既東走羣僚勸德稱尊號德不從皇始二年既拔中山道武帝衛王儀攻郡德南走滑臺自稱燕王乃以超為太子德死超得立超字祖明天賜五年番將劉裕伐超超將公孫五樓勸拒之於大峴不從裕入大峴超戰於臨胸為裕敗退還廣固圍之廣固鬼夜哭有流星長十餘丈墮于廣固城濱裕執超送建康市斬之

後秦 地記

姚長字景茂出於南安赤亭燒當之後也父弋仲善永嘉之亂東徙榆眉劉曜以弋仲為平西將軍平涼公弋仲死子夏代屯於臨城慕容暐以襄為豫州刺史屯淮南自稱大將軍大單于萬年秦王數月之間眾至十餘萬與慕容冲連和進屯北地苻堅出五將山長執而殺之登國元年僭稱皇帝國號大秦以其太子興鎮之長死子興襲位夏興遣其弟義陽公平率眾四萬侵平陽攻乾辟六十餘日陷之車駕親征次永安平慕容勇將率精騎二百關軍為前鋒將長孫肥所禽匹馬不反平遂退走帝急遣及於柴辟圍之興乃悉舉其眾救平帝增築重圍內以防平之出外以距興之入又截汾曲浮橋乘西岸築圍帝帥師度蒙阮南四十里逆擊興興展行北引未及安營大軍卒至興眾怖擾帝知興氣挫乃南絕蒙阮之口東杜新坂之隘令平水陸路絕將坐甲而擣之又令緣汾帶崗樹柵以衛弱救者興從汾西北下漢寧為壘以自固興又將數千騎乘西橋官軍鈞取以為將蒸興還壘道武度其必攻西圍乃命脩壘增廣之至夜興果來攻柵短不及棄之壘中而還興又分其眾臨汾為壘叩逼水門與平相望帝因截水中興內外隔絕士卒畏氣於是平糧盡窘急夜悉眾將突西南而出興列兵汾西舉烽鼓譟為平接援帝聞諸軍精銳

屯汾西固守南絕水口與夜聞聲望平力戰突免平聞外鼓望興攻圍引接故但叫呼虛相應知莫敢逼
圍平不得出窮逼乃將二妻赴水死興遠來救自觀其窮力不能免舉軍悲號震動山谷壩遣使請和帝
不許乃班師興長子泓借位晉將劉裕伐泓長驅入關泓戰敗請降裕執之於建康斬之

後梁 蕭氏

梁帝蕭譽字理孫蘭陵人昭明太子統之第三子也太子薨封登岳陽郡王位東揚州刺史領會稽太守
初昭明卒梁武捨譽兄弟而立簡文內常愧之故寵臣諸子以會稽人物殷阜一都之會故有此殺以慰
其心嘗既以昆季不得為嗣常懷不平又以梁武衰老朝多秕政有敗亡之漸遂蓄聚貨財交通賓客招
募輕俠折節下士其勇敢者多歸附焉左右遂至數千人皆厚加資給大同元年除西中郎將雍州刺史
都督五州諸軍事寧蠻校尉嘗以襄陽形勝之地又梁武創基之所時平足以樹根本時亂足以圖霸功
遂務儉刑政太清二年梁武以答兒河東王譽為湘州刺史張纘為雍州總督才輕譽驕譽及答於梁元
帝元帝令其世子方等及王儁辯相繼攻舉譽告於答嘗聞之大怒及梁元將援建鄴令所督諸州並發
兵赴都答遣府司馬劉方貴營兵為前軍出漢口而方貴嘗與梁元相知剋期襲營未及發會營以他事
召方貴謀泄遂據樊城拒命答遣軍攻之梁元乃厚資遣張纘若將述職而密援方貴以次大隄而樊城
已陷營方貴兄弟黨與並斬之營恐不能自固乃遣蔡大寶求附庸於西魏魏恭帝元年周文帝命柱國
于謹伐江陵營以兵會之及江陵平周文帝命答主梁嗣居江陵東城資以江陵一州之地其襄陽所統盡
入於周營乃稱皇帝於其國營少有大志不拘小節雖多猜忌而和人善任便撫將士有恩能得其死力
江陵平宿將尹德毅謂營曰臣聞人主之行與匹夫不同匹夫者飾小行競小廉以取名譽人主者定天
下安社稷以成大功今魏虜貪憚固顧弔伐之義俘囚士庶並充軍實然此等威屬威在江東悠悠之人

可門到戶說既堂炭至此咸謂殿下為之殿下既殺人父兄孤人子弟人盡讎也又誰與為國但魏之精銳盡萃於此獨師之禮非無故事若殿下為謀事會國請于謹等為微彼無我虞當相率而至預伏武士因而斃之江陵百姓撫而安之文武官僚隨即銜授魏人氣息未敢送死借料之徒折簡可致然後朝服濟江入踐皇極晉免復禹萬世一時答謂德毅曰卿此策非不善也然魏人待我甚厚未可背德若遂為卿討則鄧祁侯所謂人將不食吾餘既而闕城長幼被虜入關又失襄陽之地營恨乃曰不用德毅之言以至於此○又見邑屠殘殺千文日用耻其威略不振常懷憂憤乃著隱時賦以見志焉居常快悒每誦老馬伏櫪志在千里烈士暮年壯心不已未嘗不肝扼歎此者久之遂以憂憤死

論曰自金行運否中原喪亂元氏唯天所命方一函夏鐵弗徒何之輩雖非行錄所歸觀其避為割據亦一時之傑然卒至夷滅可謂魏之驅除梁主任術好謀愛賢養士蓋有英雄之志霸王之略焉及淮海板蕩骨肉精氣擁眾自固稱藩內款終能據有全楚中興稱運雖土宇殊於舊邦而位號同於曩日貽厥自達享國雖短可不謂賢哉

四夷傳

蓋天地之所覆載至大日月之所照臨至廣萬物之內生靈靈而禽獸多兩儀之間中土局而殊俗曠人寓形天地稟氣陰陽愚智本於自然剛柔繫於水土故霜露所會風氣所通九川為紀五嶽作鎮此之謂諸夏生其地者則仁義所出昧谷鳩夷孤竹北戶限以丹微紫塞福以滄海交河此之謂荒裔感其氣者則凶德行暴若夫九夷八狄種種繁熾七戎六蠻充初邊鄙雖風土殊俗嗜慾不同至於貪而無厭狼而好亂強則振拒弱則稱服其揆一也秦皇鞭笞天下曠武於趙方漢武士馬強盛群志於遠略匈奴已却其國乃虜是知雁海龍堆天所以紀夷夏也吳方朔漢地所以限內外也况乎時非秦漢志甚巖剽逆天

道以求其功殫人力而從所欲顛墜之蒙固不旋踵是以先王設教內諸夏而外夷狄往哲垂範美樹德而鄙廣地雖禹迹之東漸西被不過海及流沙王制之自北徂南裁猶穴居交趾豈非道貫三古義高百代者乎自魏至隋市朝屢革其四夷朝享亦各因時今各編次備四夷傳云

高句麗

高句麗其先出夫餘王嘗得河伯女因閉於室內為日所照引身避之日引又逐既而有孕生一卵大如五升其母以物裹置暖處有一男破而出及長字之曰朱蒙朱蒙者善射也夫餘人以朱蒙非人所生請除之王不聽命之養馬朱蒙私試知有善焉駭者減食令瘦駭者善養令肥夫餘王以肥者自乘瘦者給朱蒙後狩於田以朱蒙善射給之一矢朱蒙雖一天殪獸甚多天餘之臣又謀殺之其母以告朱蒙朱蒙乃與馬遼等二人東南走中道遇一大水欲濟無梁夫餘人追之甚急朱蒙告水曰我是日子河伯外孫今追兵垂及如何得濟於是魚鼈為之成橋朱蒙得度魚鼈乃解追騎不度朱蒙遂至普通水遇見三人與朱蒙至統升骨城遂居焉號曰高句麗因以高為氏漢武帝元封四年滅朝鮮置玄菟郡以高句麗為縣以屬之隋文帝遣使詣闕進校大將軍改封高麗王自是歲遣使朝貢不絕及隋平陳後湯大懼之陳兵積殺為守拒之策開皇十七年上賜璽書責以每遣使人歲常朝貢雖稱藩附誠節未盡焉得書惶恐將表陳謝會病卒子元嗣文帝使拜元為上開府儀同三司贊拜遼東公明年率其諸將萬餘騎寇遼西營州總管韋世沖擊之帝大怒命漢王諒為元帥總水陸討之下詔然其爵位時魏運不繼六軍乏食師出臨渝關復遇疾疫王師不振及次遼水元亦惶懼遣使謝罪上表稱遼水真土臣元上於是罷兵待之如初煬帝嗣位天下全盛高昌王突厥啓人可汗並親詣闕貢獻於是徵元入朝元懼請禮願闕大業七年帝將討元罪車駕度遼水止營於遼東地分道出師各領兵於其城下高麗出戰多不利皆嬰

城固守帝令諸軍攻之又敕諸將高麗若降即宜換納不得縱兵入城陷賊言諸將奉旨不敢赴機先馳奏比報賊守禦亦備復出拒戰如此者三帝不悟由是食盡師老轉輸不繼諸軍多敗績於是班師○九年帝復親征救諸軍以便宜從事諸將分道攻城賊勢日蹙會楊玄感作亂帝大懼即日六軍並還兵部侍郎斛斯政亡入高麗具知事實盡銳來追殺軍大敗十年又發天下兵會盜賊蜂起所在阻絕軍多失期至遼水高麗亦因弊遣使乞降因送斛斯政贖罪帝許之頓懷遠鎮受其降仍以得囚軍實歸至京師以高麗使親告大廟因拘留之仍徵元入朝竟不至帝更圖復舉會天下喪亂遂不復行

林邑

林邑其先所出事具南史其國正寇數千里上多香木禽實物產大抵與交趾同隋文帝既平陳乃遣使獻方物後稍貢遂絕時天下無事羣臣言林邑多奇寶者仁壽末上遣大將軍劉方為驩州道行軍總管率欽丹刺史甯長真驪丹刺史李堂開府業雄步騎萬餘及犯罪者數千人擊之其王梵志乘巨象而戰方軍不利方乃多掘小坑草覆其上因以兵挑之方與戰偽王梵志逐之其象陷軍遂亂方大破之遂棄城走入其郡獲其廟主十八枚皆錮金為之蓋其國有十八世方班師梵志復其故地道使謝罪於是朝貢不絕

論曰禮云南方曰蠻有不火食者矣然其種類非一與單人錯居其流曰蠻曰獯曰獠曰僚曰他居無君長隨山洞而居其俗斷髮文身好相攻討自秦并三楚漢平百越地窮丹徼景極日南水陸可居咸為郡縣洎乎境分南北割據各殊蠻獠之族遞為去就至於林邑亦土真襟婆利則地隔江嶺異通中國及隋氏受命翹平九有煬帝慕業威加八荒甘心遠夷志求珍異故師出流求兵加林邑厥振殊俗過於秦漢遠矣雖有荒外之功無救域中之敗傳曰非聖人外寧必有內憂誠哉斯言也大業中南荒

朝貢者十餘國其事迹源流今可知者四國而已

吐谷渾

吐谷渾本遼東鮮卑徙河涉歸子也涉歸一名奔洛韓有二子庶長曰吐谷渾少曰若洛虎涉歸死若洛
虎代統部落是為慕容氏涉歸之在也分戶七百以給吐谷渾吐谷渾死有子六十人長子吐延為昂城
羌酋所刺呼子葉延語其大將絕後渾曰吾氣絕棺斂便速去保蘭地既險遠又土俗懦弱易控禦葉
延小兒欲殺餘人恐倉卒終不能相制今以葉延付汝竭股肱之力以輔之孺子得立吾無恨也葉延少
而勇果年十歲性至孝母病母三日不食葉延亦不食願視書傳自謂曾祖奕洛韓始封昌黎公吾為公
孫之子葉檀公孫之子得以王文字為氏遂以吐谷渾為氏馬葉延死阿豺立阿豺兼并羌氏地方數十
里號為強國遂使通宋獻其方物會慕容病臨死召諸子弟告之曰先公車騎捨其子度以大業屬吾豈敢
忘先公之事而私於繼代其以慕容繼事阿豺有子二十人繼代長子也阿豺又謂曰汝等各奉吾一隻
箭將玩之地下俄而命弟慕容利延曰汝取一隻箭折之慕容利延折之曰汝取十九隻箭折之慕容延不能
折阿豺曰汝曾知不單者易折歟則雖僅我力一心然後往覆可固言終而死慕容立太武時慕容始遣
其侍郎大寧奉表歸魏尋討高赫連定送之京師太武嘉之遣使者來拜慕容為大將軍西秦王慕容死
慕容立始自號為可汗居伏俟城在青海西十五里雖有城郭而不居恒處窟廬隨水草畜牧青海周圍
千餘里海內有小山每冬水合後以良北馬置此山至來春牧之馬皆有孕所生得駒號為龍種必多駿
異吐谷渾常得波斯單馬放入海困生驄駒能日行千里世傳青海驄者也吐出犛牛馬

論曰吐谷渾等曰殊俗別處邊陲考之前代屢經叛服窺覷首鼠蓋其本性夫無德則叛有道則
伏先王所述荒服也

西域

都善 且小 高昌 焉耆 龜茲 疏勒 大宛 月氏 吐火羅 罽賓 安息 天竺 大月氏

和 波和 安國 曹國

安國 曹國

安國 曹國

安國 曹國

安國 曹國

安國 曹國

安國 曹國

安國 曹國

安國 曹國

安國 曹國

安國 曹國

夏書稱西戎即叙班固云就而序之非盛威武致其貢物也漢氏初開西域有三十六國其後分立五十五王置校尉都護以撫之王莽篡位西域遂絕至於後漢班超所通者五十餘國西至西海東西屬黑昏宋朝貢復置都護校尉以相統攝其後或絕或通漢朝以為勞弊中國其官時置時廢暨魏晉之後互相吞滅不可復詳記焉道武初經營中原未暇及於四表既而西戎之貢不至有司奏依漢氏故事請遣西域可以振威德於荒外又可致奇貨於天府帝曰漢氏不保境安人乃遠開西域使海內虛耗何利之有今若通之前弊復加百姓矣遂不從歷明元世竟不招納太延中魏德益以遠聞西域龜茲疏勒烏孫悅般渴樂阼鄯善焉耆車師粟特諸國王皆遣使來獻太武以西域漢世雖通有來則卑辭而來無獻則驕慢王命此其自知絕遠大兵不可至故也若報使往來終無所益欲不遣使有司奏九國不憚遐遠貢方物當與其進安可豫抑後來乃從之於是始遣行人王思生許綢等西使思生出流沙為蠕蠕所殺竟不果達又遣董琬高明等多齎錦帛出鄯善招撫九國厚賜之初琬等受詔使道之國可往赴之琬過九國北行至烏孫國其王得魏賜拜受甚悅謂琬等曰傳聞破洛那者舌皆思魏德破稱臣致貢但患其路無由耳今使君等既到此可往二國副其慕仰之誠琬於是自向破洛那遣使者烏孫王為發導請達二國地等宣詔慰賜之而琬明東還烏孫破洛那之屬遣使與琬俱來貞獻者十有六國自後相繼而來不聞于嚴國使亦數十輩矣○初太武每遣使西域常詔河西王沮渠牧健令護送至姑臧牧健恒發使導路出於流沙後使者自西域還至武威牧健左右謂使者曰我君承蠕蠕吳提妾說云去歲魏天子自來伐我士馬疲死大敗而還我擒其長弟至我君大喜言言國中又聞吳提遣使告西域諸國魏已削弱今天下唯我為強若更有魏使勿復奉西西域諸國亦有武且彼使事主稍以慢煩使還其以狀聞太武

遂議討救捷涼州既平鄯善國以為脅亡齒寒自然之道也今武威為魏所滅次及我矣若通其使人知我國事取亡必近不如絕之可以支久及斷塞行路西域貢獻歷年不入復平鄯善行人復通姑笁等使還京師具言凡所經見及傳聞傍國云西域自漢武時五十餘國後稍相并至大延中為十六國分其地為四域自葱嶺以東流沙以西為一域葱嶺以西海曲以東為一域者古以南月氏以北為一域兩海之間水澤以南為一域內諸小渠長蓋以百數其出西域本有二道復更為四出自玉門度流沙西行二千里至鄯善為一道自玉門度流沙北行二二百里至車師為一道從沙卑西行一百里至葱嶺葱嶺西一千三百里至伽倍為一道自沙卑西南五百里葱嶺西南一千三百里至波路為一道焉 元所不傳而更有朔貢者紀其名不能其國俗也○東西魏時中國方擾及於西國不聞有帶西域故二代書並不立此錄隋開皇仁壽之間尚未云經略焉時乃遣侍御史韋節司隸從事杜行滿使於西域諸國至罽賓得瑪璽孟王舍城得佛經史國得十舞女師子皮火鼠毛而還帝復令裴矩於武威張掖間往來以引致之其有君長者四十四國矩因其使者入朝略以厚利令其轉相輸大業中相率而來朝者四十餘國帝因置西戎校尉以應接之尋屬中國大亂朝貢遂絕然事亡失書所存錄者二十國焉魏時所來者在隋亦有不至今總而編次以備前書之西域傳云

鄯善國都并泥城古樓蘭國也北即白龍堆路至太延初始遣其弟素正者入侍及太武平涼州沮渠牧犍弟無諱走保燉煌無諱後謀殺流沙遺其弟安周擊鄯善王比龍惡懼欲降會魏使者自天竺府還還俱會鄯善勸比龍拒之遂與建跋安周不能剋其保東城太武詔萬度歸齊仍發涼州兵討之度歸到燉煌留燉重以輕騎五千度流沙至其境時鄯善人原有野度歸勸更卒不得有所侵掠守感之望望旗稽服其王真達而縛出降度歸釋其衙閫軍屯守與真達詣京都太武大悅厚待之是歲拜韓枝為假節

征西將軍領護西戎校尉鄯善王以鎮之賦役其人比之郡縣

且朱國都且末城在鄯善西西北有流沙數百里夏日有熱風為行旅之患風之所至唯老駝預知之即喚而聚立埋其口鼻於沙中人每以為候亦即將能據故尋口其風迅駛斯須過盡若不防者必至虜斃高昌者卑師前王之故地漢之前部地也或云昔漢武遣兵西討師旅頓弊其中尤困者因住焉地勢高做人意昌盛因名高昌亦云其地有漢時高昌臺故以為國號有羊刺其上生蜜而味甚嘉引水溉田出赤鹽其味甚美復有白鹽其形如玉高昌人取以為枕貢之中國

龜茲國在尉犁西北白山之南一百七十里都延城漢時舊關也東有輪臺即漢武時將軍李廣利所屠者其國西北大山中有如膏者流出成川行數里入地狀如錦綉甚異服之翦髮已落者能更生竊人服之皆愈

波斯國都宿利城在恒密西古條支國也土出名馬大驢及馳往往往有一日能行七百里者又出自象獅子大鳥卵有鳥形如鸞馳有兩翼飛而不能高食草與肉亦敢噉火

大月氏國都廣監氏城太武時其國人商販京師自云能鑄石為五色琉璃於是採礦山中於京師鑄之既成光澤乃美於西方來者乃詔為行殿容百餘人光色映徹觀者見之莫不驚駭以為神明所作自此國中琉璃遂賤人不復珍之

小月氏國都富樓沙城其城東有佛塔周三百五十步高八十八丈自佛塔初建計至武定八年八百四十二年所謂百丈佛圖

鉢和國在渴槃池西其土尤寒穴地而處又有太雪山望若銀峯

波和國在鉢和西南土狹人貧依託山谷其王不能總攝有三池傳云大池有龍王次者有龍婦小者有

漢子行八經之設祭乃得過不祭多惡風雪之困

安國漢時安息國也隋煬帝即位遣司隸從事杜行滿使西域至其國得五色蠶而返

滑國在崑崙之北漢時屬賓國也其俗重法祠崑崙山有順天神者僕制極華金銀鏤為屨以銀為地祠

者日有千餘人祠前有一魚脊骨有孔中通馬騎出入

論自古開遠夷通絕域必因宏放之士皆起行事一臣張騫鑿空於前班超投筆於後或結之以重
寶或憐之以利劔收驅萬死之地以要一旦之功皆由主高來遠之臣臣徇輕生之節是知上之所好
下必效焉西域雖通於魏氏于時中原始平天子方以混一為心未遑及此其信使往來得羈縻勿絕
之道及隋煬帝規摹宏侈掩吞秦漢襲矩方進西域圖記以為其心故高祖親出玉門關置伊吾且末
鎮於關右陞於流沙墜其無聊生矣若使北狄無虞東夷告捷必將修鞠臺之戍築烏懸之城求大秦
之明珠致條支之烏卵往來轉輸時何以堪其輕財哉○古者哲王之制也方五千里務安諸夏不事要
荒豈威不能加德不能被益不以四夷勞中國不以無用害有用也是以秦成五嶺漢事三疊或道經
相望或戶口滅半隋室恃其強盛亦根根於青海此皆一人夫其道故德兆惟其苦哉思即叙之義固
辭都護之請返其千里之馬不求白狼之貢則七戎九夷倏風重譯雖無遼東之捷豈及江都之禍乎
案西域關於往漢年世積久雖離併多端見聞殊遠此所以前書後史騁駁不同豈其好異地遠故也
人之所知未若其所不知信矣

蝟蝟

蝟蝟姓郁久闕氏始神元之末掠騎有得一奴髮指尚存志本姓名其主字之曰木骨闕木骨闕者首秀
也木骨闕與郁久闕聲相近故後子孫因以為氏木骨闕既壯免奴為騎字穆帝時坐後期當斬亡匿廣

漢路谷間收合通逃得百餘人依純哭鄰木骨闌死子車鹿會雄健始有部眾自號柔然後太武以其無
知狀類於虫故改其號為蠕蠕蠕蠕之俗君及大臣因其行能即為稱號若中國立謚既死之後不復追
稱道武謂尚書崔宏曰蠕蠕之人昔來號為蠕蠕每來抄掠驚將牛奔遁驅健牛隨之持牛伏不能前有
教其以健牛易之者蠕蠕曰其母尚不能行而況其子終於不易遂為敵所虜今社稷學中國立法置戰
陣卒成邊害道家言聖人生大盜起信矣天興五年社稷聞道武征姚興遂犯塞三年夏社稷寇邊來興
元年冬又犯塞二年明正討之社稷遁走道厄大檀者社稷季父僕渾之子先統別部鎮於西界能得眾
心國人推戴之號年汗訖汗蓋可汗魏言制勝也太武即位大檀聞而大喜始光元年秋乃寇雲中太武
親討之三日二夜至雲中大檀騎圍太武五十餘重騎追馬首相次如堵馬士卒大懼太武顏色自若眾
情乃安二年太武大舉征之東西道並遣長孫翰等從黑漢長孫道生從白黑兩漢問車駕從中道振
青次西從黑漢圍燕斤安原等西道從介塞山魏軍至黑南舍輜重輕騎十五日糧絕漢討之大檀部落
駭驚北走神龜二年大武使兵于西郊將襲大檀公卿大臣皆不願術士張深徐辯以天文說止帝帝從
崔浩計而行會江而便還稱突文欲犯河南謂行人曰汝疾還告魏主歸我河南地即當罷兵不然盡我
將士之力帝聞而大笑古公卿曰龜鑑小豎自取不暇何能為也魏使能來若不先滅蠕蠕便是坐待寇
至腹背受敵非上策也吾行決矣於是車駕出東道向黑山長孫翰從西道向大城山同會賊庭五月次
于沙漠南舍輜重輕騎之至黑水大檀以弟匹黎大與東落將赴大檀遇翰軍翰縱騎擊之殺其大
人數百大檀聞之震怖將其族黨焚燒廢舍絕跡西走莫知所至於是國落四散窟伏山谷畜產野布無
人收視太武緣黑水西行過漢將實靈故壘六月車駕次於范圍水去平城三千七百餘里分軍搜討東
至瀚海西接張掖水北度燕然山東西五千餘里南北三千餘里高車諸部殺大檀種類前後歸降三十餘

萬得獲首虜及我馬百餘萬匹大禮部落衰弱因發疾而死○子莫提立號救連可汗魏言神聖也莫提死子吐質真立號處可汗魏言唯也太安四○平駕北征騎十萬車十五萬兩旌旗千里遂渡大漠吐質真遠遁其莫希烏朱駕騎卒數千落來降乃刊石記功而還太武征伐之復意存休息蠕蠕亦怖威北鼠不敢復南和平五年吐質真死子承成立號受羅部真可汗魏言惠也○皇興四年子承犯塞車駕北討京兆王子推東陽公元丕督諸軍出西道任城王雲等督軍出東道汝陰王賜濟南公羅拔督軍為前鋒隴西王源賀督諸軍為後繼諸將會車駕于女水之濱獻文親誓眾招諸將曰用兵在奇不在眾也卿等但為朕乃戰方略已在朕心乃選精兵五千人排戰多設奇兵以應之虜眾奔潰遂北三十餘里斬首五萬被降者萬餘人戎馬器械不可稱計旬有九日往返六千餘里汝水曰武川遂作北征頌刊石紀功天保三年阿那瓌為突厥所破自殺其太子菴羅尼及瓌從弟登注俊利登注子庫提並擁眾奔齊其餘眾立注次子鐵伐為主四年齊文宣乃北討突厥迎納蠕蠕廢其主庫提立阿那瓌子菴羅尼為主致之馬邑川給其康餼縵帛親追突厥於朔方突厥請降許之而還於是蠕蠕貢獻不絕是時蠕蠕既累為突厥所破以西魏恭帝二年遂率部千餘家奔關中突厥既恃兵強又藉西魏和好恐其遺類依舊大國使驛相繼請盡殺以甘心周文讓許之遂殺縛蠕蠕主已下付突厥使於青門外斬之中男以下並配王公家

一論曰周之檢狃漢之匈奴其作書中國故久矣魏晉之世種族瓜分去來沙漠之陞窺擾郭塞之際猶皆東胡之緒餘冒頓之枝葉至如蠕蠕者匈奴之裔根本莫尋非形集醜自小為大風馳鳥赴倏來忽往代京由之屢勝衣車所以不寧是故魏氏祖宗揚威耀武驅其畜產收其部落剪之窮髮之野逐之無人之鄉豈好肆兵極銳凶器不最益亦急病除惡事不得已其狡狴強弱之由猾虜服叛之迹故備

錄云

突厥

突厥者其先居西海之右獨為部落蓋匈奴之別種也姓阿史那氏後為鄯國所破盡滅其族有一兒年
月十歲兵人見其小不忍殺之乃刖足斷其臂棄草澤中有北狼以肉餌之及長與狼交合遂有孕焉彼
王聞此兒尚在重遣殺之使者見在狼側並欲殺狼於時若有神物投狼於西海之東落高昌國西北山
山有洞穴內有平壤茂草周迴數百里四面俱山狼匿其中遂生十男十男長外託妻厚其後各為一
姓阿史那即其一也最賢遂為君長故牙門建城以示不忘本也或云突厥本平涼韓胡姓阿史那氏
魏太武帝滅沮渠氏阿史那以五百家奔蠕蠕世居金山之陽金山形似柳絮借號突厥突厥因
以為號又曰突厥之先出於索國在匈奴之北其部落大人曰阿誘婁兄弟七十人其一曰伊質泥師都
狼所生也其後曰土門部落稍盛殆至塞上市猶如願通中國西魏大統十一年周文帝遣酒泉胡安諾
擊陁便焉其國皆相慶曰今大國使至我國將興也十二年土門遣使獻方物時鐵勒將侵蠕蠕土門
率所部邀擊破之盡降其眾五萬餘落皆其強盛乃求婚於蠕蠕主阿那瓌大怒使人嘗辱之土門亦怒
殺其使者遂與之絕而求婚於魏周文帝許之十七年六月以魏長樂公主妻之土門遂自號伊利可汗
猶古之單于也土門死子科羅立科羅死捨其子攝圖立其弟侯斤是為木杆可汗○其地東自遼海以
西至西海萬里南自沙漠以北至北海五六千里皆屬焉抗衝中國後與魏任齊至并州其俗被髮左衽
穹廬毳帳隨逐水草遠徙以畜牧射獵為事食肉飲酪身衣裘褐老者貴壯者廉耻無禮義猶古之匈奴
隋末亂離中國人歸之者無數遂大強盛迎高祖后竄於定襄許舉實建德王世充劉武周梁師都李軌
高開道之徒雖僭尊號皆稱臣受其可汗之號使者往來相望於道

論曰四夷之為中國患也久矣北狄尤甚焉魏晉南北朝隋唐五代遼遼非一時也五帝之世則有
樓幣焉其在三代則檢狝焉逮乎兩漢則匈奴為當世典于則烏丸鮮卑焉後魏及周則蠕蠕突厥此
其簡要相繼乎為君長者也皆以畜牧為業掠為資終未忍往雲飛鳥集智謀之士議和親於廟堂
之上折衝之臣論畫擊於塞垣之下然事無恒規權無定勢親疎因其強弱服叛在其盛衰衰則款塞
種糧盛則率兵寇掠屈申其能強弱相反正朔所不及行帶所不加唯利是視不顧盟誓至於莫相救
護驕惡憑陵和親結約之謀行師用兵之事前史論之備矣故不詳而究焉○及蠕蠕衰微突厥始大
至於木杆遂雄朔野東極舊境西盡烏孫之地穹弓數十萬別處於代陰南向以臨周齊二國莫之能
抗爭請盟好求結和親乃曰與周合從終亡晉國清之遼燕廢徒孔熾員其力特蹈秦苻內自相圖
遂以乖亂違頭可汗遂適啓人願保塞下於是推亡固存返其舊也助討餘燼部族遂獲卒於仁壽不
復不叛暨乎始畢末術臣禮煬帝撫之非道始有雁門之圍保屬聲盜竝興於北浸以雄威震傑踵寔
名號莫不請好息人於是分置官司總統中國子女毛帛相繼於道使者之車往來結轍自古著為騎
併未有若斯之盛也○及聖哲應期掃除氛祲暗於時變猶懷旅拒率其羣醜屢襲辱郭殘敗我雲代
搖蕩我大原蹂掠於涇陽破馬於涓池太室文皇帝奇謀內運神機密動遂使百世不羈之虜一舉而
滅瀚海龍庭之地盡為九州幽都窮髮之鄉隸於編戶實帝皇所不及書與所未聞由此言之雖天道
有盛衰亦人事之工拙也加以為而弗恃有而弗居頽天地之含容同陰陽之化育斯乃大道之行也
固無得而稱焉